

PERSII TREVI

AD LIBRUM
DE SERO LACTIS
STEPHANI RODERICI
Castrensis Lusitani

DECLAMATIONES,

Seu

Priuatæ quædam, ac Domesticæ

EXERCITATIONES

*Editio Secunda,
Quam Auctor suam Agnoscit,
Auxit, Emendavit.*



R O M A E,
Ex Typographia Francisci Corbelletti.
MDCXXXIV.

Superiorum Permissu.

YARROW & CO. LTD.

AD LITERAM

DESTEROLACTIS

STEPHANUS ROBERTUS

GENEVA 1900

DECLAMATION

1880

THE HISTORY OF

1880

DECLAMATION



R. O. M. A. B.

EX LIBRIS

MDOCCXXV

EX LIBRIS



LECTORI

QVÆ priuatim, vt olim
Aphricanus & Lelius,
domi luferam, ea Ty-
pographus Parisinus,
medicorum hortatu,
quasi alter P. Terentius in publi-
cum & scænam detulit. Doluerim
ne, an potius lætatus fuerim, haud
satis scio, ac, si sciam, vix ausim di-
cere. Sanè reculas meas non modò
magnis probisq. probari viris, sed
publici etiam iuris fieri, aliquo
animi sensu non gaudere, non po-
tui. Cum verò clari nominis ho-
minem, æuoq; nostro celeberrim-
um, ac magnæ apud omnes exi-

Donatus
in Vita
Terentij.

stimationis medicum a me publicè
 (quod nolebam) repræhendi hoc
 libello , mecum ipse reputarem ,
 facere non potui , quin dolerem .

Accedit, quòd cum hæc declaman-
 di penè studio , hoc est , exerci-
 tationis vmbra-tilis , ac priuatæ
 causa cursim & incuriosè scripse-
 rim , rudia in his aliqua & impoli-
 ta sunt , arida nonnulla exsuccaq;
 nonnulla superuacanea & profusa ,
 nimis libera solutaq; alia: non quæ
 modestiæ fines transierint, sed quæ
 morosiores ac difficiliiores homi-
 nes non nulla fortassis offensiuncu-
 la possint afficere . Itaque eò in-
 cumbendum mihi putavi , vt, pro-
 priæ alienæq; existimationi consu-
 lens, omnia recenserem , & in me-
 liorem formam speciemq; redige-
 rem non quidem vt concinna

magis politaq; sed (si fieri potest)
vt munita potius solidiori doctri-
na , veluti prisca Macedones *Non*
auro , neq; discolori veste , sed ferro
atque aere fulgentes , prodirent in lu-
cem . A te verò , Lector , etiam
atque etiam peto , vt , hæc mea
percurrens , ante oculos animumq;
tuum proponas illius Persarum le-
gis exemplum , qua cautum erat ,
ne quis , alicuius reus criminis cul-
pæq; affinis deprehensus , damna-
retur prius , quàm in omnẽ eius vi-
tam sedulò inquisitum esset : tunc
enim si rerum turpium numerus
vinceret , condemnabatur : sin au-
tem honestis & præclare factis ipsa
flagitia superarentur , omnium sus-
fragijs absoluebatur . Putabant
enim humanarum virium non ef-
se , rectum cursum perpetuò & con-

Q. Curtius
lib. 4.

tinenter in vita tenere : eosq; pro
 bonis habendos, non qui nunquam
 peccauerint, sed qui sæpius præcla-
 rè honestèq; egerint. Hanc, in-
 quam, legem a te, Lector, probari
 obleruariq; summopere cupio : vt
 ne statim mea hæc reijcias & con-
 demnes, si quid in his a me pecca-
 tum deprehenderis. Perfarum mo-
 re, vellem, rationem inires: at
 tunc, equidem, quin
 reijcias ac spernas,
 non recuso.

Vale.



TRIVM VIRIS

Medicæ Reipublicæ Constituendæ

Hippocrati, Celso, Auicennæ,

PERSIVS TREVVVS.



ASENTIBVS Vobis,

Viri Asclepiadei, senatus frequens in aede Apollinis habitus est iv. Cal. Septemb. Complura ex

consuetudine relata fuerunt ad amplitudinem splendoremq; Reipub. nostræ pertinentia. Inter cetera verò, quæ maximi interesse videbatur, relatum est a Stephano Roderico Castrense Lusitano De Sero Lactis, deq; eius vi & facultate. Senatorum pleriq; vel tanti viri auctoritate permoti, vel (quod de Romanorum nonnullis, Mediolanensibus, ac Neapolitanis

Rodericus Romanos medicos Neapolitanos, ac Mediolanenses per litteras rogavit, ut scri-

A 4 mihi

pro argu-
mētisq; sibi
præsto es-
sent, suūq;
de Sero li-
bellū ful-
cirent.

mihī renunciatum est) ab eo palam
ambiti et) rogati in eius sententiā di-
scedebant. Quinimō cum non senatores
modō, verū et) etiam, quibus in se-
natu sententiā dicere licet, eodē om-
nes pedibus irent, iam iamq; senatus
consultum instaret, scribendo affuturis
Romanis, Mediolanensibus, ac Nea-
politans; P. Philalethus Tribunus
Pl. iuris custos ac defensor intercessit,
ut ne quid detrimenti nostra inde
respub. caperet. Itaq; ex S.C. manda-
tum est mihī Persio Treuo, de re ut
cognoscerem cum Roderico, cognitaq;
referrem ad Vos: ut inde, Viri Sa-
pientes, videatis, quid e re sit nostræ
reipub. interpositoq. decreto de tota con-
trouersia constituatis. Dij Vos nobis
seruent incolumes et) nostræ reipub.
Idibus Septemb. M. Gilopho iterum
Cos. sine Collega.

PER-

9
PERSII TREVI

AD LIBRVM

DE SERO LACTIS

STEPHANI RODERICI

Castrensis Lusitani

DECLAMATIONES,

Seu priuatæ quædam ac domesticæ


EXERCITATIONES.

SERI FRIGIDITAS:

Num ex aciditate hæc argui possit?

An serum sicut lac frigidum?

CAPVT I.

 **S**VAE de Sero, Vir Clarissima, non quæ de Lacte, a te scripta sunt, hinc perpendere consilium est. Itaque posthabito primo libelli tui capite, in quo circa la-

Etis naturam partesq; versaris, ad secundum statim accedo. idq; eò libentius, quod hic tu controuersias disceptare incipias, quòdq; & mihi eodèmq; quæstiones multo difficiliore sunt obuiam. In ipso eius capitis vestibulo tecum mihi lis est & controuersia. Hæc sunt tua verba. *Quod de lacte diximus sero potest adaptari, videlicet ex facilitate acescendi, si reponatur frigidum colligi. Acescet serum sicut lac, ergo sicut lac frigidum censendum est.* Tuum hic consilium est, seri qualitates expiscari, & ex facilitate acescendi frigidum esse probare. Ego verò sicuti de seri qualitate ferè tecum sensio, ita a te omnino dissentio de modo eius qualitatis inueniendæ. Nam præterquam quod etiam calida, vt vinum, facile acescunt, ex acescendi promptitudine acescens rei frigiditas rectè intelligi non potest. Firma sanè mihi ratio: Si ex facilitate ad aciditatē contrahendam rem acescentem frigidam esse statuere liceret; profectò quò res ad acescendum faciliore, eò frigidior declaranda. Ergo serum frigidius multo

multò papaueris succo, cicuta, mandragora, hyoscyano. Aperta res est, cum constet ex Galeno, serum his omnibus longè faciliùs & acere & acescere: liquidò constet ex 4. Simpl. 15. vbi habet, ex frigidis omnibus ea minimè omnium aciditati esse accomodata. *Quæ summè nos refrigerant, vt cicuta, papaueris succus, hyoscyamus, mandragora minimè omnium acida sunt.* Etenim cum propter summum frigus non aceant, propter eandem rationem difficilè possunt acescere. quod enim vel acet, vel acescit, adeò frigidum esse non potest, vt illatam a calore vim longè propulset, ipsumq; vincat calorem. ac proinde hic neque alterare, neque immutare possit. Aciditas enim in frigidis soboles est caloris frigorisq; mediocris. nam gaudet & subiecto mediocriter frigido, & agente mediocriter calido: vt patet illud quidem ex papaueris, ac ptissanæ succo; hoc verò ex acidis ructibus, qui *Cum nulla planè facta est ciborum alteratio prouenire non solent, sicuti neque vbi optimè cocti, sed tantum vbi semicocti*

Gal. 2.
Alim. Facul. 15.

fue.

fuerint. Itaque vt eiusdem Galeni ver-
 bis vtar, *aciditas nasci potissimum vide-*
tur dum a calido quidem mutatur, vt
non tamen superet. Ex quibus omnibus
patet, quòd a calore mutante quidem,
non tamen prorsus vincente aciditatis
generetur qualitas. Iam vero, papaueris
succus nec acet, nec acescit facile, quia
eius frigus maximum est, aptumq; pro-
inde ad caloris actionem propulsandam.
Lac vero, serumq; cum tanta resisten-
di vi prædita non sint, a mediocri alte-
rantur calore, proptereaq; acescunt.
 Ergo, (quod principio dicebamus.) Ex
 facilitate ad aciditatem contrahendam
 acescentis rei frigiditas intelligi non
 potest. nam alioqui (repeto) quò res aci-
 ditati aptior, eò frigidior esset. Serum
 igitur cum aptius sit papaueris succo ad
 aciditatem contrahendam, papaueris
 succo frigidius esset. Neque verò de
 huiusmodi succo, non secus ac de lapide
 aut ligno, quo ad aciditatem pertinet,
 ratiocinandum. nam eiusmodi substan-
 tia præditus est, vt, nisi summè frigidus
 esset, facile posset acere, vel acrescere.

Illud

Illud tamen vltro concedo, quoduis acidum frigidum esse: sicuti planè nego, quoduis ad aciditatem contrahendam aptum esse frigidum: licet frigidum fieri posse, non negauerim, vt de vino superius affirmavi. Serum igitur, antequam acescat, esse frigidum, ex eo probari non potest, quòd facilè possit acescere, aptū ue sit ad aciditatem contrahendam. Quòd si acidum iam factum serum, frigidum esse asserere volueris, vt lubens vltroq; tibi assentiar, ita ratiocinationem tuam tanquam inanem inutilemq; reijciam,

Neque alteram, quam ex Marardo adiungis, seri frigiditatis peruestigandæ rationem probare possum: *Cum ex tribus substantijs, quæ lactis substantiam complent caseus parum ad frigus vergit, butyrum est temperatum, si serum calidum foret, vniuersum lac calidum diceret.* Non, inquam, hæc probare possum, tum quia qui serum calidum esse contendunt, vel non laborant de lactis calore, vel calidum propterea id esse concedunt; tum quia cum caseus frigidus sit,

tem-

temperatum butyrum, serum verò si paululum ad calorem vergere, aut saltem non frigidum, sed temperatum esse patereris, non propterea calidum lac, sed ferè temperatum construeres: cum casei frigore seri qualitatem non frigidam compensares. Neque enim magis de maximè seroso lacte, quàm de maximè caseoso loquendum est.

Neque tertium tuum argumentum, ex eodem Manardo depromptum stare potest: *Si serum calidum esset, quò serosius lac esset, eò esset calidius, cum tamen asinum, quod maximè seorsum est multum sit frigidum*: quia exploratum est, liquidoq. constat apud Galenum camelinum multò serosius esse caprino, canino, ouillo, ceterisque huiusmodi, multòq; calidius. Liquidissimum & maximè serorū esse camelorū lac, scriptū est 3. de Alim. Fac. 15. & lib. de Bonit. & Vit. succorū cap. 4. *In camelorū atque asinorum lacte serosæ humiditatis plurimum.* Calorè verò attestatur tū animalis temperamentū, tū ipsius lac, in quo falsedinē Auicennæ gustatus percēpit.

Itaque

Itaque faciliùs, mea quidem sententia, atque adeò certiùs hac ratione seri frigiditatem explorare possemus: serum ex frigido humidoq; elicitor humore, ex frigidis humidisq; alimentis: vt vel ex eo patet, quòd in Hispania, vbi arefcens calidaq; tellus ex succa, calida, siccaq; gignit pabula, parùm seri emungitur ex animalibus, vt auctor est Cardanus de Subtil. Vel ab effectu (quod Galeno in omni medicamento qualitate exploranda maximè probatur) hac ratione, Serum calidis medetur morbis, non ex accidente solùm euacuando, sed per se etiam temperando acres calidosq; humores, caloremq; viscerum frangendo: vt patet, si non affatim tantùm antiquorum more, sed modicè etiam, vt apud nos in more positum est, exhibeatur in scabie, in pruritu, in ceteris ex humore calido biliosoq; oriundis morbis.

Tu verò aciditati nimium tribuere videris: ea seri frigus indagans, caseum sero inesse superiùs depræhendens, lactis

Cap. I.

Gladio delphico, vix tam varia præstare posset. Sed præstat te iterum loquentem audire: *Acescit, inquis, serum sicut lac, ergo sicut lac frigidum censendum est.* Serum sicut lac frigidum? Mihi certè id persuaderi non potest. lac enim non solum acriusculas illas calidasque feri qualitates, a Galeno probatas, obtinet; sed butyri etiam calore, a frigore casei minimè ex te tempestando, præditum est. Ergo plures lacti, quam sero calori partes; plures sero, quam lacti partes frigoris. Ergo serum non *Sicut lac frigidum censendum est.*

Neque nutes de butyro: nam hoc non solum non temperatum, sed calidius esse hic fatearis necesse est, nisi, quod nunquam crediderim, palinodiam canas. scriptum enim a te est, calorem ex butyro in serum deriuari purgationis causa. & cap. 8. Libauii doctrinam afferes, atque, vt videris, probans, igneas in eo inesse partes scriptum reliquisti.

At verò audio, qui obijciant, meque increpent tanquam seuerè nimis, ac planè stoicè tua verba accipientem, *Serum*

sicut

sicut lac frigidum, non ita intelligendum est, ut eodem, quo lac, frigoris gradu præditum sit; sed sicuti ex aciditate intelligimus, lac frigidum, ita ex eadem, serum etiam esse frigidum, intelligi. Sed hoc non sonant Roderici verba. Itaque, si, ut *Aethiopem ex vultu iudicare* licet, ita eius verba ex aperto sono, certè longè aliud, atque nos fingimus, ea sibi volunt. Sed ipsa perpendamus verba: *Serum sicut lac frigidum*. Particula, *Sicut*, similitudinem, significat inter lac serumq; . Ergo vel in specie (frigore) vel in gradu hæc esse debet. In hoc esse nequit, ut meis victus argumentis ipse nuper factus es. Neque in frigore tantùm: quia si serum dices esse frigidum sicut lac, habita solùm speciei ratione, gradu neglecto, ego sic impune loquar, Serum frigidum est sicut lactuca, sicut endiuia, sicut papaver, hyoscyamus, opium cetera huiusmodi. Absurdissima hæc loquendi ratio absurda non esset, si particula, *sicut*, non gradum designaret, sed speciem. Absurdissima, inquam, est, tum quia nullus vn

B

quam

quam ita loquutus est, tum quia si quis loqueretur, a nemine intelligeretur: Neque tergiuersandum est: hoc attendendum, *Sicut* similitudinem significat vel in specie, vel in gradu; non aliam, quia nulla prætereà est, ne apud Zenonem quidem, qui pro arbitrio rebus nomina, nominibus significationem imponebat.

*Quanam Serii Partes Calidiores aut
Frigidiores sint? Tenuiores
ne An Crassiores? Galeni
Locus Expensus*

C A P V T I I.

DE crassioribus serii partibus, deq; tenuioribus litē infers aduersario tuo, censenti, eas quidem calidiores esse, has verò frigidiores. Tu verò sentiens longè secus, argumentaq; ex Galeno mutuatus iuras, fieri non posse, vt, quod frigidum est, tenue vlllo modo sit. Ceterum Galenum primò audeamus lo-
quen-

quentem, *Ac quæ quidem Absolutissimè tenuium partium sit substantiam Exactè frigidam inuenisse Fortasse non est.* Hic tria notes velim, *Absolutissimè, Exactè, fortasse.* nam ex hoc Galeni loco quæ *Absolutissimè tenuium sunt partium, Exactè frigida Fortasse non reperiens.* Ergo ea, quæ prorsus frigida sunt, quæ maximo frigoris gradu supremoq; prædicta sunt, tenuium esse partium, dubitat Galenus. Serum autem huius non esse ordinis, tu ipse fateris, qui vocas in dubium, calidum ne, an frigidum sit, cui acres ex Galeno ei qualitates attribuis.

Ceterum tenuium partium non pauca frigida esse (nam non de tenui tantum feri parte, sed de quavis alia id tu negas) intelligemus, si secundam aëris regionem pluviæ, niuis, grandinis officinam attendamus: si, non quidem Ciceronis, qui *ignifer & ardor ultimis* appellatur, sed Cardani ætherem, quem frigidissimum tenuissimumq; statuit. Vitrioli spiritum, oleo tenuiorem frigidiorumq; aut maus dicere, minùs cali-

Cap. 2.
& 8.

1. de Nat.
Deorum
In Arat.
Card. de
Sub.

dum. Rosarum aquam frigidiorē ac tenuiorē succo . Simplex stillatumq; acetum vino longè frigidius , longè tenuius . Aquam (quod ex Cardani sententia dictum volo) oleo vinoq; tenuiorē æquè ferè ac frigidiorē . Boream seu aquilonem frigidissimum , tenuissimumq; . Quod sanè apertius intelligemus, si memorià repetamus ambiētis nos aëris puritatem, ac partium tenuitatem in uehementi frigore ; ipsamq; cum ferro ignito comparemus. manifesto enim ex illiusmodi exemplis cognoscemus, frigidum quid esse , quod sit exacte tenuium partium : & calidum, quod sit crassarum . Sunt Galeni verba cap. 22. lib. 1. Simpl. Vbi prætereà animaduertas , velim , Exactè tenue idem significare , ac Tenuissimum . nam *Exactè cum tale aut tale quid dicimus, sincerum & quantum fieri potest alterius qualitatis expers dicimus* . Sed quæ de aceto scripta sunt a Galeno , aptius quadrant tenuibus , crassisq; feri partibus, litemq; planè dirimunt . Ne itaque pigeat audire . *Tenues , ait , crassasq; partes aceto in-*
esse:

esse: & has vini facibus, oleiue amur-
cis; illas purioribus eorum partibus re-
spondere. Crassiores calidas esse, pu-
riores tenuesq; frigiditas, autumat: *In*
aceto, inquit, est huiusmodi quippiam
(vt fex in vino, in oleo amurca) & for-
tasse ipsum est, quod caloris est particeps:
quod verè frigoris id, quod tenue est.
Immo verò (vt hoc etiam Πασίπυρος ad-
dam) quemadmodum valde frigida
valde tenuia; ita ferè maximè calida
maximè crassa duraq; esse possunt. Li-
quidò id cōstat ex ignito ferro prunisq; .
Nam, vt est apud Galenum; *non omnis*
ignis est tenuium partium. nam & pru-
na ignis quidem est, sed non tenuium
partium.

r. Simpl.
22.

Dictum est de tenuioribus, de crassio-
ribus modò nonnulla adijciamus. Has
tu putas frigidiores esse (loquimur de
seri partibus) ego verò calidiores. quod
vt ostendam, in chymicorum officinam
secedendum, ibiq; tantisper versandum,
dum per alembicum crassiores seri par-
tes a tenuibus separentur. Et quidem il-
las amariuscultas esse, siuè potius falsas

ac nitrosas, lingua palatumq; testis est. nam quæ vasis fundo hærent, eis, quæ sursum respunt, vt crassiores sunt, ita magis falsæ magisq; nitrosæ, ac proinde calidiores. Neque enim audiendus est Baro de Verulamio, nitrum frigidum esse existimans: præsertim cum non satis firma id ratione probet. *Nitrum*, inquit, *est tanquam aroma frigidum. idq; indicat sensus ipse. mordet enim & tentat linguam frigore.* Quis enim est, qui non videat, ac norit, ex calidis non pauca linguæ admota frigoris sensum inducere? Et magna illa mordicatio unde, nisi ex calore? Atque (vt ipse fatetur) si spiritibus abundat, quomodo frigidum? Itaque & nitrum & nitrosæ seri partes chymicè separatae calidæ erunt

Dices, nitrum, non vt piper, linguæ appositum frigoris sensum inducere. nam diutius detentum non calefacit. An igitur ex etherogeneis conflatum est partibus, satis calidis frigidisq;? & illis quidem mordere, aliosq; caloris proprios effectus gignere; his verò frigoris sensum inducere? Sanè de opio idem

scriptum est a viris & in medicina facultate, & in philosophia præstantissimis : & de aceto vbiq; a Galeno, ex etherogeneis nēpe id constare partibus, & alijs quidem calorem promere, alijs verò frigoris sensum inuehere .

Gal. 4^e
Simpl. 12

Neque spagyricam artem tanquam mendacem ac futilem damnes : quia non per imaginationem secretis de seri partibus, sed per veram separationem seiunctis ratiocinandum . Vnusquisque enim sibi fingere potest, partes intellectu discretas, crassiores quidem frigidas esse comminisci, tenuiores verò calidiores . Sed hæc vana est ac inutilis philosophandi ratio . nam *insistendum est ijs, quæ fiunt (experientiæ) si quis optimum habitum sibi comparare velit .*

Hipp. lib.
Præcep.
t. 2.

Videmus seri partes verè non fictè separatas, tenuiores, crassiores . Has sensu ipso (gustatu) percipimus, esse salvas . optimo ergo iure calidas esse affirmamus . Illas nulla falsedine præditas, nulloq; alio, quod caloris suspicionem faciat; sed solùm humorem quemdam aquosum nullo ferè sapore præditum,

sensu, experimentoq; intelligimus. ergo iurè affirmamus, esse frigidum.

Neque stare potest, quod capite 7. scribis de crassioribus hisce seri partibus in fundo vasis subsidentibus, nempe caseum esse ignis vi excoctum, nullo modo nitrum: quia nulla præsto est ratio, quæ id suadeat, nullaq; a te affertur. Proba, & annuam. Ego verò haud difficulter tibi probabo, nitrosas, non caseosas eas esse. Nitrosas in sero inesse partes, auctor est Mesues & Auicenna hac in re fide dignissimi. Has chymica industria fecerni posse, notius est, quàm vt a me probandum sit. Quod igitur in fundo vasis subsidet, cum crassum sit, subsalsum ac nitrosum, eas esse seri partes, quæ a Melue dicuntur nitrosæ, ab Auicenna falsuginosæ omnino verisimile est: imò verisimilius multò, quàm denuo esse genitas caloris vi. Sed hæc innuerim potius, quàm probauerim hoc in loco: opportuniùs enim deditaq; opera cap. 6. vbi agis *De Nitrositate Seri*. non enim hìc, vbi oportunos non est locus, ineptè referre volo Romanum illū
robusto

robusto armatoq; corpore ad palum, fixum hostem & inermem, sese exercentem. vix enim effugere possem alicuius Demonactis irrisionem.

Costæus Aduersus Rodericum Defensus
Perpensus Galeni Locus.

CAPVT III.

COSTÆVM video a te, Roderice, inscitiae reum factum, liberèq; repræhensum. Sanè haud molestè fero. nam *ad repræhendendum procliuiores, quàm ad laudandum omnes ferè sumus*, Illud tamen a te peto, vt, si quatu Costæum accusas; eadem ego libertate eum defenderim: si vt tu illum, sic ego te amicè monuerim, æqui id boniq; consulas. Neque enim abhorrere debemus ab instituto ac more Lacedæmonum, qui *In magno habebant probro obiurgationem molestè ferentes*. Sed quæ a Costæo, quæque a te scripta sunt, perpendamus. Ille Galenum & Mesuem,

Man. ad
Epist. ad
Q. Fratrem.

Plutar.

uem, de Seri qualitatibus discrepantes; componere studens, ait, serum calidum dici posse, si ad purgandi facultatem referatur: frigidum, si ad semetipsum ad humorem suum. Reprehendis hæc reprehensione ex Galeno accersita. 1. Simpl. 3. vbi scriptum est, medicamenta respectu naturæ corporisq: nostri statuenda esse calida frigidaue. Nam cicuta, cum humano corpore comparata, frigida existimanda, ac summè frigida: comparata verò cum sturno non ita: cum nos præ nimio frigore interimat, sturnos verò nutriat, ferè temperata eorum naturæ existens. Verum quidem, videtur hoc, Roderice, veraq; Galeni mens. Sed patere, nisi graue est, vt *Aurem tibi peruellam*, ipsumq; producant loquentem Galenum: *Imprimis & maximè sumendum est iudicanda facultatis experimentum ab ea re, ad quã dicitur. Siquidem non protinus si hominem refrigeret cicuta & sturnum refrigerabit. Imprimis & Maximè, inquit Galenus, sumendum esse experimentum ab ea re, ad quam dicitur. Ergo non*

Seneca
lib. 4. de
Benefic.

ab ea solùm , non omnino ab ea. Etenim etsi cicuta longè minùs sturnum hominem longè magis refrigeret , ex se tamen , suapte natura frigida est . Quare puto, *a re, ad quam dicitur*, non omnino sumi qualitatem medicamenti, sed potius definiri gradus . Vnde cicuta summè frigida erit homini ; sturno temperata aut non admodum frigida , cum hunc nutriat , illum interimat . Itaque non evertis Costæi conciliationem istac e Galeno deprompta auctoritate, imò nolens eam fulcis multò firmiùs . Iam verò *ab ea re, ad quam medicamentum dicitur*, non qualitatem , sed qualitatis gradum explorari , quia duriusculum alicui, & Galeno alijsq: repugnare videri potest, non ab re esse puto, id fusiùs probare, & ex medicamentorum qualitates inuestigandi ratione patefacere .

Innotescunt autem medicamentorum qualitates non ex effectu solùm (quia hominem v. g. refrigerent) sed etiam a causa , & , vt vulgus loquitur, a priori . Etenim *calidumne quippiam, an frigidum sit ; tenuis, an crassæ materie sapore ac*

lingua internoscitur, vt magna ex parte liquet ex Galeno vbiq; in Simpl. Med. libris, ac præsertim de calamintha loquente, *Essentia*, inquit, *est tenui, temperie calida siccaq; quorum manifesta sunt indicia partim gustu apparentia, partim exprimento cognita. Gustu acris est, subamara, & calida. Extrinsecus verò imposita excalescit, mordicat, cutem exurit, ac tandem, vlcus inducit. Et quidem amara, acria, & salsa calida esse, gustatu explorante nunc scimus. Acida verò, & acerba, austeraq; eodem modo intelligimus esse frigida.*

Cap. 27.

Odorem prætereà, coloremq; facultatum internuncium esse, sunt qui existiment. Sed si Galeno habenda fides est, minùs rectè. Nam tum 2. Simpl. tum alibi apertis multisq; verbis redarguit eos, qui odoribus coloribusq; hac in re fidem habent. Et sanè de colore certum est, mendacem hunc esse infidumq; facultatum indicem. Etenim non minùs frigida, quàm calida alba sunt: non minùs calida, quàm frigida sunt rubra. Alba est camphora, alba

cæpa : rubra est rosa, ruberq; cicer .
 . Odor autem etsi mendax habetur a Galeno , tamen non omnis ei fides adimenda videtur esse . Quamuis enim calida frigidaq; vt moscus & sandali iucundum odorem fundant ; e sandalis tamen non vt frigidis, sed vt calidis suauitates odorum efflantur . Semper enim odor caloris soboles est . Cum enim odor sit iucundus quidam vapor , ex odorata re exhalans ; sanè calore opus est, qui torpescentem illam materiam frigoreq; aut alio concretam excitet, calefaciat, attenuet , & in vaporem soluat . Quarè cum quippiam odoratum sentimus , etiam si frigidum alioqui habeatur , de aliquo tamen eius calore suspicio non mediocris iniicitur , Qui quidem calor licèt impotens sit ad magnum in nobis accedendum calorem , potest tamen vaporosam tenuemq; excitare exhalationem , atque adeò iucundum odorem fundere . Neque flores nymphææ , qui frigidi , crassi , lentiq; sunt, negotium facessere videntur : quia suum habent insitum calorem , quo hu-
 mo-

mores coquant, digerant, attenuent, tenuesq; partes in vaporem excitent. Et licet crassa lentaq; sit eorum substantia, tamen odor non ex tenui semper expirat: alioqui enim ex tenuiori substantia maior iucundiorq; odor exhalaret. Quod falsum esse, tum montanæ balsami succus, ceteris vt tenuior, ita minùs odoratus, tum ambra, crassiusculæ substantiæ, maximè odorata attestatur. Itaque, vt verbo dicam, odor etiam in frigidis substantijs frigus facit suspiciosum, calorisq; facit suspicionem: atque adeò odorata frigida saltem minùs frigida esse frigidis inodoratis ostendit. De ijs, quæ similia in gradu esse censentur, dictum volo.

Iam verò congelatio quoque aut coagulatio facultatem medicamento ex Auicenna palam facit. nam quæ a frigido indu rantur, vt Mercurius, sunt frigida: quæ a calido, vt nitrum, calida sunt. Lenitas etiam calorem videtur attestari, visciditas frigus, humiditatem mollietates, friabilitas ferè siccitatem.

Ex his ergo (vt eò, vnde discessit, reuertatur)

vertatur sermo) alijsq; huiusmodi notis, a me breuitatis causa prætermisissis, medicamentorum facultates explorare primò debemus, deinde cum humano corpore comparare. Prius enim philosophi personam induti, naturam medicamenti, viresq; sedulo peruestigare, deinde ad nostrum corpus referre debemus. Atque ex primà illa æstimatione cuiusq; temperamentum, ex altera temperamenti gradus definiendi. Præstò sit exemplum, e re viscida accersitum, hanc cum ex aquea terreaq; substantia constatam esse doceat philosophia, frigidam propterea esse iure optimo existimamus, Quatenus verò frigida sit, nouisse oportet ex humano corpore, nam si maximè, aut perniciosè hominem refrigeret, quarto gradu summeq; frigida statuetur. Si verò impensè quidem, sed tamen citra aut perniciem, aut magnam læsionem, ordine tertio. At si planè quidem innoxie, perspicuè tamen & omnino manifestè, ordine secundò. Si demum penitus infirmè obscureq; primo gradu frigida existimabitur. De

cicuta; deq; ceteris idem sentio.

Neque verò audiendi sunt quicunque arbitrantur (arbitrantur autem pleriq; ac præsertim Daniel Sennertus vir nunquam satis laudatus) nos, non ut philosophi sumus, sed ut medici solùm, de medicamentorum viribus ratiocinari debere: hoc est, quid ex sese medicamentum sit, quæue polleat facultate, secundum se extimatum, perpendere non debere: sed solùm, quid nostro corpori comparatum efficiat. Non, inquam, audiendos esse puto: quia si in tanta rerum naturæ speculatione, in re tenti momenti philosophi personam exuti, ac philosophia penè omne spoliati, medici solùm, hoc est, ut cum Magno Scaligero loquar, *crassiusculi artificis* personam indueremus, sanè speculatio nostra parum a vulgari atque empiricorum hominum distaret. Non enim mihi persuaderi potest, medico in indagandis medicamentorum viribus solius nostri corporis rationem habendam, propriamq; eorum naturam penitus negligendam. Immo verò subtili-

lissimorum aciem philosophorum, si fieri posset; adeptus medicus, medicamenti naturam perferutari, in eius quasi penetralia peruadere, abditaqueq; illustrare, prima eius elementa, elementorum partes, partium qualitates, ac tandem qualitatum philosophicos gradus cognoscere deberet. Sic enim medicamenti secundum se æstimati qualitatem assequutus, promptè cum humano corpore comparabit: &, vt dixi; sicuti ex priori illa relatione medicamenti qualitatem, ita ex posteriori qualitatis gradum definiet.

Neque verò Galenus, vt e libris de Simpl. Med. Fac. suspicio iniecta videtur; hac in re nobis aduersatur. Nam *et si non quod absolutè est calidum, considerare propositum nunc est, sed quod corpus humanum calefacit;* tamen non prohibetur, quominus naturam viresq; secundum se cuiusq; medicamenti accuratè inuestigemus. Solùm enim sibi vult Galenus, medicamenti qualitatem secundum se æstimati eandem non esse homini, atque secundum se est: ptopre

Galenus
Simpl. li. 2

reaq; ad humanum corpus omnino referendam. Non enim quia cicuta secundum se frigida est, exempli causa, ordine secundo, eodem gradu frigida erit homini. *Ergo non absolutè ex materia passionibus conijcere eius ad nos facultatem oportet, sed præterea ex nostro corpore definire.* Iam verò id sibi velle Galenum, medicamentiq; facultatem non ex nostro corpore palam fieri, sed prius innotescere, quàm cum eo conferatur; liquidò constat ex lib. 3. de Temperam. ibi enim indagans, quid energia, quidq; potestate calidum, frigidumve sit; humidum, aut siccum, ait, bitumen, rasinam, seuum, oleum, picem ea potissimum ratione cognosci, potestate esse calida, quòd energia & actu celerrimè calida fiant, & in flammam vertantur; & subdit, *Medicamenta, quæ, ubi ignem attigerint, facile accenduntur, nos quoque excalescunt.* Itaque prius ex facili accensione intelligimus, medicamentum esse calidum, quàm ad nostrum corpus referamus. Ergo excomparatione illius cum corpore non qualitas,

tas, prius nota, sed gradus innotescit. Tu verò Rodericè, aures his animumq; si lubet, amanter præbe: neque tamquam M. Castritius annis fretus hæc illude aut contemne. non enim (absit verbo iactantia) Luscinia deplumata similia sunt, quæ, ut dixit Lacon ille, *Vox est, prætereà nihil.*

Vnde Sero Purgandi facultas? Num ex Butyro? Nova Roderici opinio Planè Antiquatur.

C A P V T I I I I.

MAgnum, sed amicum, mihi diffidium hic tecum est. Eam, quæ sero inest, purgandi vim e butyro contendis emanare. Ego non e butyro, contendam: primò quidem Galeno & Mesuè, mox ratione, demum experimento. Hisce tribus quasi tripartito agmine tuam, Roderice, opinionem aggrediar: prius tamen tuorum aciem argumentorum infringam. Serum, inquis,

cum aquea sit substantia, imò aqua ipsa, ex se nullam habet purgandi facultatem. ergo ab alio eam mutuetur, necesse est: non a caseo, qui aluum sistit, ergo a butyro. nam pars in lacte præterea nulla. Sed amabo te, quidnam tibi vis seri nomine? Conueniamus primò de re, nomine: humorem ne, & liquorem illū, e ceteris lactis partibus secretū? Nimirū. Cur hic purgandi vi ex se non pollet? Quia, inquis, est aqua. Hic sanè doctrinam tuam aucupatus sum, nec profectò euadet ab aucupio. nam verè

Decidit in casses præda petita meos

Quid. de
Arte.
Alandi.

Humor ille si est aqua, ad purgandum inepta, admisti solius butyri beneficio purgans: cur etiam non purgabit elementaris vulgaris uè aqua, eodem permista butyro? Sanè butyri guttulis cum aquæ amphora propinatis, vberima expectanda esset purgatio: & omninò expectanda, si ea esset, quam scribis, butyri seriq; facultas. Etenim nec aqua lactis quicquam impertitur butyro, quod idem vulgaris impertiri nequeat: nec butyrum lactis aquæ, quod idem

pura

puræ putæ nequeat impertiri .

Dices, hoc interesse inter vulgarem , & lactis aquam , quòd hæc acris fit ex Galeno , ex Mesue nitrosa , aut saluginosa ex Auicenna . Sed hoc effugium est minùs tutum : nec vnquam tibi esse potest *Hermionis vice* . Nam velim dicas , num aqua lactis purget huiusmodi acrimonia , nitro , faleq; . Si purgat : ergo aliunde sero purgandi facultas , quàm ex butyro . Sin minùs , ergo nihil interest intrer vulgarem & lactis aquam . Neque dicas , purgare quidem , sed infirmè ; additò verò butyro valentiùs : quia nouum id esset commentum , tuo non adscriptum commentario : imò ei planè repugnans .

Aristophanes in Babyl.

2 Prætereà , medici omnes consueuerunt (a qua consuetudine nullo modo abhorre licet) vt sero purgent , diligenter ab eo butyrum eliciendum curare . At illi eò feliciùs purgationem futuram expectant , quò diligentius serum à butyro abstractum propinant .

3 Accedit , quòd seri nitrositas & acrimonia , in qua , si Galeno credimus ,

Mesue, & Auicennæ, maximè sita est purgandi vis, non solùm non acuitur a butyri vnguine; sed hebetatur potius ac restringitur. Imò verò & humorem illum serosum, qui, vt tu etiam fateris, abluendo trudendoq; purgationē iuuat, ita retardat compescitq; butyri lentor, vt celeriter, vt solet, præterfluere non sinat, *non alter quam pinguedo, adeps, oui albumen ceratumq; ex oleo & cera confectum*, vt ait Galenus.

4 Insuper si ea esset, quàm profiteris, butyri facultas, bubulum lac, quod maximè butyratum est, magis asinino purgaret, minimè butyrato, maximè seroso. Caseum autem, quo bubulum magis abundat, te iudice, adimere non potest purgandi vim; quia maximè butyratum est. maximè autem butyratum maximè purgat ex te.

Ceterùm, Roderice, frustra nos agimus, & omnino incassum, nisi prius conuenimus de sero. Quod nam serum tibi vis? Illud ne, quod ex arte depuratum, innatantem non habet butyrum? An potius illud, quod perperam
nul-

nullaq; arte separatum multo caseo, butyroq; impurum est ? Sanè de hoc tu nõ loqueris, nec, si loqueris, te loquentem audirem . Illud ergo tibi vis, quod optimè depuratum est, quodque medici omnes ad purgandum passim adhibere solent . Hoc autem vnde nosti esse butyratum, ex sensu, an ex ratione ? Profectò ratio nulla tibi præsto est: imò omnino te refellit. cum constet, asininum, suapte natura botyri inops, ex arte præparatum nihil butyri continere . Sensu igitur explorante butyri atomos in sero latitare intellexisti : quibus solis acceptam referas omnem seri purgationem . Sed quæ tanta esse potest oculi ingenijq; acies quæ in serum intimè peruadat, atomosq; depræhendat butyraceos, aciem aliorum omnium effugientes ?

6 Sed esto huiusmodi butyrum nec ratione, nec sensu ; addo, nec experimento compertum (quod enim experimentum nobis fingere possumus?) sero adhærescere, & occultum in intimis eius penetralibus latitare : quid inde ? Nonne emplastica eius vis est? Nempe . Ita

Cap. st.

cenſet Galenus 5. Simpl. At ex eodem cap. 9. compertum eſt, lenta ea eſſe, craſſaque, ac viſcoſa: ac proinde meatus obſtruere, firmè adhæreſcere, ſegniterq; extrudi: ergo inepta ad purgandam aluum.

7 Immo verò pulchrè Galenum, ſi ſententia tua rata eſſet, illudere liceret. Lac aſininum magis aluum purgare ait, quia ſeroſius. Ineptè. Quia butyroſius, dicere debuiffet. At reuera non butyroſius eſt, ſed ſeroſius, nempe butyro planè contrarium. Ergo falſè, ne dum ineptè. & Hippocrates 2. de Diæta, Propter ſerum lac per aluum ſecedit. Nimiſ oſcitanter. nam propter butyrum dicendum fuiſſet. Hac ratione ludificare liceret Magnos viros, ſi quæ de butyro ſcripta ſunt, non eſſent *λίγος πολὺς*.

8 Iam verò, vt tuam de butyracea purgandi facultate opinionem comprobēs, aliud in medium affers argumentum, ex recenti caſeo depromptum. Ais, recentem caſeum cum melle ſumptum promulſidis loco aluum ciere butyri admitti beneficio. Fieri ne poteſt; vt
 tanta

4. Acuto-
rum.
3. Alim.
Fac.

Cic. Att.
lib. 16.

tanta fit butyracea purgandi facultas, ut vel gutta, quam in recenti caseo odoremus, adstrictam aluum solvere possit? Mehercule si butyri loco tantumdem rabarbari, & penè dixerim, scammonei infereres recenti caseo, vix eam, quam tu de butyro spondes, purgationem partraret. Caseum recenter coactum, si sumatur cum melle ante alios cibos, aluum purgare, scripsit Galenus. Fateor. An proinde quia butyratum? Minimè gentium, sed quia mellitum. Caseum comedere recentissimum absque melle, ita sanè re doctus intelliges, quàm infirma sit recentis casei non melliti purgandi facultas. Mel autem aluum purgare, notissimum est. Audi Mesuem de sero loquentem: *Sed cum imbecillum sit ad purgandum cum melle & lupi salictarij germinibus sanguinem potentius purgabile flava & humoribus adustis.* Sed quæ de Rhu succo scripta sunt a Galeno aptius quadrant melli recentiq; caseo. Rhu succum (ut omnino caseum) adstringere aluum ait Galenus; mistum verò melli etiam adstrictam solvere. Dubitan-

De Simpli
Medic.
cap. proprio.
3. Simpli.
c. r. 4.

tandum ergo non est, quin recentis casei melliti purgans facultas in mel sit referenda.

9 Immo verò si butyrati casei tantavis esset, Placentinus, Parmensis, Batauus, aliusue ex inferiori Germania aduectus non solum nobis aluum subducerent, sed ferè etiam diarrhæam concitarent. nam adeò butyrati sunt, ut scissi ferè butyri guttas fundant.

10 His accedit, quòd Galenus de caseo secus videtur sentire. *Caseus recens & mollis durò & sicco flatuosior existit, minusq; quàm durus siccusq; adstringit, hoc est, aluum sistit.* Ego uterque aluum adstringit, licet alter magis, minus alter.

11 Sed recentem caseum etiam ex pinguisimo lacte cogamus, si libet: ea scilicet ratione, qua cogendum præcipit Galenus, *Seroso duntaxat humore per coagulum separato* (sunt Galeni verba 10. Simpl.) reponamusq; ad annum. Scire vellem, num hic aluum subducatur? Sanè non subducere, vnusquisque interrogatus respondebit; *Etiam si adeò pin.*

pinguis fit; ut ex eo effluat quippiam ad speciem olei, ut de Placentino, Batauoque diximus. Neque obijci a te potest, vetustate amittere purgandi facultatem, quia ex Galeno vetustate fit calidior: ergo aptior ad purgandam aluum, si tibi met credendum est. nam calore purgaret magis. ad purgandum enim calorem, vndique conquiris, seroque e butyro accerfis. Itaque ex butyro caseoque paulò calidiori paulò vberiore purgandi facultatem nancisceris. Neque quicquam obijcias de sale, adeò, ut huius opera & maleficio caseus vetustus exuat purgandi facultatem. Nam sal si adimeret huiusmodi vim, exiccando adimeret absumentoque butyrum. At hoc non est absumptum, cum ex eo scisso guttæ ferè lacrimæue prodeant. Quinimò tantum abest, ut sal adimat aut restinguat eam purgandi vim, ut potius impertiatur vberius. Attende Galenus 3. de Alim. Fac. de lacte seroque loquentem. Quod si ipsum magis subducere velis salis quam plurimum iniicies. Attende Hippocratem hac in re Galeno aptiorem: Salsa-

menta siccant, attenuant, pleraq; etiã leniter aluum mouent. Sed de Galeno iurè me accusare potes: cum, de caseo loquens, Galenum producam de sero loquentem. sed audi eundem de ipsomet caseo. *Lenit & caseus, quando ei miscetur sal & mel.*

Valec. 1. 4.
c. 4.

12 Sed per Deos iuro, per Romuli casam, perque æternos Vestræ ignes, mihi persuaderi non posse, tantam cesei molem, ad cohibendam aluum factam natamq; a pauculo illo butyro ad purgandum ventrem omnino imbecillo, aptam reddi posse ad purgationem. Quod si quis, me longè perspicacior, tantam in butyro purgandi vim reuerà deprehenderet, præterquam quod ei libenter assentirer; pollicerer etiã, in meq; reciperem, se magnã ab ijs gratiam, qui segniori aluo præditi sunt, initurum: cum præstantem minimeq; molestam eis medicinam apponeret. Maiorem certè ab ijs, qui prætereà gulæ indulgent, cum non modò præstantem, sed gratam etiã palatoq; luauem eis medicinam suppeditaret. *Omne utique ferret punctum,*

Horatius

cum

de sero lactis. 4)
cum misceret utile dulci: Omniq; præ- Celsus?
stantis medici munere fungeretur, cum
Tutò, celeriter, iucundè curaret.

13. Haftenus de caseo: ad butyri ca-
lorem (quod tertium est vltimum
tuum argumentum) accedat. Sed
Auenrõe serum purgandi racum
a butyro mutuari probare contendit
quippe is auctor alicubi scripserit,
vnumquodque purgans calidum esse.
Cum ergo serum, suapte natura fri-
gidum, nonnisi ex butyro calorem, vt
ais, mutuari possit, vtiq; nonnisi ab
eodem purgandi facultatem. Sed pri-
mò quidem non est, cur aliunde pur-
gantem sero calorem mutueris, cū ex
nitrosis eius partibus haurire possis.
Quòd si nitrum repudiare volueris, ex
acribus saltem qualitatibus, quas Ga-
lenus sero inesse, tuq; ipse fateris, ca-
lorem accersere potes. Deinde memi-
nisse debemus, non omnia, quæ quo-
uis modo purgant, calida sint, necesse
esse. Rosæ, violæ, manna, cassia, tama-
rindi purgant absque calore, si tibi met
credendum est cap. 9.

Sed

Sed hic præterire non possum manifestam tuorum verborum contradictionem . Ais hic pag. 23. libelli tui, *Serum ex se caliditatem non habet*; propterea tanquam egens, ac planè expers, a butyro (quod cum temperatū sit, pauculum caloris habet) calorem petere purgationis causa Pagina verò 16. calorem non exiguum & acridinem, probans Galeni sententiam, ex sententia sero tribuis . Tu hæc videris .

14 Ego sanè non video, què fieri possit, vt serum adeò inops sit a calore, vt hunc a butyro mutuari ei sit necesse . Profectò Galenus, serum butyro calidius esse, scribit 3. Alim. Fac. 16. *Neque enim calidam acremq; qualitatem quam lac a sero habet, neque pinguem & mediocriter calidam, quam lac a pinguedine possidet, &c.*

Iam verò audio, qui obijciant, me destruere quidem opinionem tuam, meam verò non construere . Si serum butyri beneficio non purgat, quo admiculo, quæ ratione purgabit? A quo suo humore, sua acrimonia, nitrositate sua.

sua . Ergo abluendo , trudendoq; vel-
 licando , stimulando . Num etiam ele-
 ctiuè , vt vocant ? Anceps hæreo , & in
 portu , vela facere non audens : octauo
 tamen huius òpellæ capite *vela ventis*
permittam Hippocratis auspicijs , le-
 nissima eius, vt spero, aura prosequente.
 At verò , vt , quòd præsentis instituti
 est, breuiter attingam , serum humore
 suo purgare , patet ex Gal. 3. Alim. Fac.
 15. vbi de lactè verba faciens hæc ha-
 bet, *Pinguissimum est lac bubulum: ouil-*
lum verò & caprinum habent quidem
& ipsa pinguedinis quippiam , sed multò
minùs, asininim huius succi habet mini-
imum . Quocirca rarò in stomacho cogitur
& eandem ob causam magis per aluum
deijcitur , vt quod serum multum habet,
a quo lac omne facultatem accipit deij-
ciendi .

Vides ergo Galenum omnem sero pur-
 gandi vim tribuere : sero, inquam, mini-
 mè omnium butyrato . Neque dicas, ca-
 seum esse, qui pinguisimo lacti purgatio-
 nem interdicit , quia tu pinguisimo ca-
 seo non mediocrem purgandi vim tri-
 buisti.

buiſti . Illud tamen animaduertendum eſt , non omnem ſeroſo humori acceptam referendam eſſe purgationem , ſed ex parte eius acrimoniæ , *Cuius occasione lac omne aluum ſubducit* : quamq; a ſero lac accipit ex Galeno , hæc enim eſt , que irratat excitatq; ad purgationem .

Mefues adſtipulatur Galeno , cum ait , *ſerum nitroſa ſua ſubſtantia purgat clementer & ſine morſu flauam bilem & vſtos humores* .

Sed quicquid ſit de Meſue ; Galenoq; quos tu , fide abrogata , planè contemnis ; certum eſt , experimentoq; comprobatum , ſerum diligentiffimè a butyro ſeparatum purgandi vim non mediocrem habere . Ego ſanè re doctus id affirmo , affirmantq; omnes , qui Galeno , Meſuæ ceteriſq; medicinæ ſenatoribus fidem habentes , minimè omnium butyratum ſerum purgationis cauſſa propinant .

Sed non video , cur ſero ebutyrato purgandi vis tribuenda non ſit . Non ne calorem , ſi opus eſt , ad purgandum idoneum ? non ne acredinem & nitroſitatem

tatem ei proceres medicinæ tribuunt ?
 Cur ergo stimulare non potest, irritare,
 vellicare segniorem aluum? Cur humore
 suo abluens purgationem vituate nõ po-
 test? Sed id, quod maximè hæc compro-
 bat, est effoeta ac planè nulla butyri,
 quod sero inesse fingimus, vis ac facul-
 tas. Nam si butyro non purgat serum,
 vt pluribus a nobis probatũ est, necessa-
 riò sequitur, vt ea, quæ diximus, ratio-
 ne purget: annuente præsertim Galeno
 ac Mesue, imò & Hippocrate ipso, Per-
 petuo medicinæ Dictatore; & experi-
 mento apertè comprobante: quibus
 omnibus repugnare, ne Zetho quidem
 Pacuiano, qui philosophia propè bet-
 lum indixit; aut Speusippo, qui Platoni-
 cæ sapientia veluti heres institutus fuit
 impunè liceret.

Butyracea Purgandi Facultas : An ex se, An potius sero mista magis purget ?

CAPITULUM V.

CRESCIT opus in manu : vix enim cœpi ; sed, currente rota, exit amphora . Paucis principiò te volebam, nunc tamen pluribus tecum agere necesse est . Tertio libelli tui capite infirmâ fateris butyro inesse purgandi facultatem, sero multò firmiorem . non ergo ex butyro purgandi vis deriuatur in serum . Expedire niteris hunc nodum violarum similitudine : quæ infusæ quidem haud exiguam purgandi vim adipiscuntur ; absque infusione tamen vix purgant . Id ipsum, inquis, butyro accidit . nam etsi ex se purgandi vi omnino infirma præditum est ; sero tamen mistû multò validiore pollet . hoc enim infusionem mater appellatur a Mesue, fundamentum infusionum .

Cete-

Ceterum (ita Dij me ament) diu multumq; cogitavi, perquisivi, indagavi haud oscitanter, haud omnino negliger, quid impertiri possit aut butyrum sero, aut serum butyro, vnde statim atque commista sunt, validam purgandi facultatem nanciscantur. Antemistionem vtrumque per se indigens & effectum ex te: post mistionem vtrumq; validum. Intende mentis aciem, ingenij viribus nervisq; omnibus contende, vt aliquid ex hac mitione natum, ad purgandum efficacius eruas nobisque ostendas. Sed verè *aquam e pumice pestulares*. De violis autem, quas tu opponis, ita sentio. Purgandi vis in purioribus sita est earum partibus, siue in tenui & extrema humiditate (nam de acredine & vi occulta anceps hæreo) quæ vt ab impura terrestrioriq; eorumdem substantia obtunditur & hebetatur, ita elicitur fugiturq; per infusionem. Quare ex ijs partibus, a quibus hebetabatur, per infusionem abstracta valentius purgat. Hæc de violis sentio: neq; vereor, ne tu eadem sentias: quæ si bu-

tyro tuo aliqua ratione accomodare
 posses, vt tu mecum de violis, ita ego
 de butyro tecum sentirem. neque enim
 hæc nostra dissentio *Empedoclea simul-*
tas est,

Ceterùm, Roderice, liberius tecum
 loquar, oportet. Pugnancia de butyro
 loqui videris, aut saltem incongrua.
 Vltrò fassus es, exiguam hoc habere
 purgandi facultatem; sero mistum non
 mediocrem nancisci. Confero hæc
 cū ijs, quæ de caseo butyrato a te nuper
 scripta sunt. Butyrum ibi, aut potius
 butyri guttulas, per se debiles, ac planè
 effoetas, in caseosa compactaq; substan-
 tia ad purgandum inepta, imò ad cohi-
 bendam aluum planè apta, coarctatas
 aluum purgare affirmas. Hic verò eas-
 dem butyri guttulas ad hoc, vt purgent,
 humore misces, caseo planè contrario.
 Ibi cogis coarctatasq; butyrum; hic laxas
 & fundis vtrobiq; purgationis caussa.
 Meherculè si vt Protheus varias contra-
 riasq; formas, ita istud butyrum diuersas
 indueret pro arbitrio facultates. si non
 propriæ naturæ; sed iubentis nutui ob-
 tem.

temperaret , quæcunque iuberentur ,
 illico butyrum exequeretur, non posset ,
 ita viuam, tam varia præstare , tam con-
 traria: non posset tam facilè ac promptè
 sese diuersis contrarijsq; accomodare .
 Sed hoc ipse nec assequi, nec vlllo modo
 animo comprehendere possum, Butyrum
 debile est ex sese ad purgandum , *Nec*
nisi largius sumptum aluum soluit (sunt
 tua verba cap. 3.) & tamen vel paucu-
 lum caseo mistum valentiùs purgat: pur-
 gat valentiùs & serò mistum ! Iam verò
 oblineodo , lubricandoque , & emol-
 liendo butyrum soluere adstrictam
 aluum , omnino existimo . Etenim si ,
 humore absumpto, arescant in intestinis
 & compingantur excrementa , indeq;
 extrudi propterea non possint; sanè præ-
 terfluens butyrum vngvine suo non mo-
 dò lenit & humefacit exiccatam & quasi
 asperam aluum , fecibusq; viam lenem
 ac lubricam sternit: sed etiam ipsa emol-
 lit excrementa aptaq; reddit ad exeun-
 dum . Hæc , non alia , est butyracea
 purgandi facultas: quam, licet posteriori
 ordine, libuit tñ apponere, ne, vt ait ille ,

Ex Diosco-
ride .

*Incænatus & impastus potuq; ciboq;
accubuisse in hac mensa viderer.*

*Iterum de Butyro, deque sero: Dioscori-
dis & Galeni loca perpensa:
Mesuæ lux data.*

C A P. VI.

Tibi fidem non abrogo de Galeni
verbis, *Quod a coactis serum de-
fluit satis aluum mouere*. Multò minùs
de verbis Dioscoridis, quem sat scio
lib. 2. cap. 62. quæ tu affers, habere
verba. ea hæc sunt: *lac quodcunq; serum
continet implicitum: quod ubi discesserit
a lacte, multò potentissimum redditur ad
purgationes*. Vterq; auctor, serum a la-
cte, vt ais, separatum purgandi vim ha-
bere scribunt. Separatum autem, inquis,
a caseo, non a butyro: idq; sibi velle
& Galenum & Dioscoridem. Longè alia
mea est sententia. Perpendamus primò
Galeni verba: *Quod a coactis deffluit se-
rum satis aluum mouere*. Tria insunt
lacti,

lacti, caseus, butyrum, serum.

Hoc cum defluit, duo relinquit, non vnum: caseum, butyrum. duo, inquam, ex Galeni mente, qui a *coactis* dixit. Quod si vnum tantum relinqueret, hoc est, solum caseum, a *coacto* dixisset, non a *coactis* (compesce cachinum: mox satisfaciam tacite obscureq; obijcienti) Id ipsum sibi vult Dioscorides: *A lacte discedit serum*: nempe a ceteris lactis partibus, caseo butyroq; nam alioqui a *caseo* dixisset.

Neq; dicas, serum, a lacte separatum, non omnes exuisse butyri partes: sed aliquas sibi asciuisse, respuisse alias. & illarum quidem beneficio aluum purgare: quia idem, & quidem veriùs, de caseo ipse affirmabo. nam serum a lacte separatum plus casei, quàm butyri sibi adiungit. Hoc tu negare non potes, cum asseras, totam illam molem, quæ, a seroso humore separata, in distillatorio vase subsidet, merum esse caseum: cumq; butyri guttas ne Lynceus quidem aut Argus in sero videre possit. Iam verò cum caseus alui cohibendæ vi præditus

fit, utiq; serum ab ijs, quæ a lacte discedens secum ducit, cohibentem potius, quàm laxantem facultatem mutuabitur.

Hæc si de sero a lacte separato Galenum loquutum esse censeas. Si verò accuratiùs Galeni locum attendens, de eodemmet sero, non a lacte, sed a caseo seiuncto (neque enim omnino eadem res est; saltem quo ad differendi modum spectat) eum loquutum esse velis, ut verè loquitur, magnam offendis in libello tuo contradictionem. Etenim cum Galenus ait, *Caseos recenter coactos cum melle sumptos ante alios cibos aluum subducere*: tu butyri remanentis beneficio id a recenti caseo præstari scribis. Cum verò subdit Galenus ibidem; *Quod a coactis (caseis) defluit, serum satis aluum mouere*: tu *A coactis*, inquis, *absque butyri extractione*. Itaque hoc posteriori loco ais, butyrum vna cum sero defluere ac discedere a caseo: priori verò loco cum caseo remanere. Quòd si butyrum æquè & in recentem caseum, & in extractum serum affatim & abundè (nam non nisi largius sumptum aluum

solvit;

Soluit : sunt tua verba cap. 3.) sese inferere, volueris ; cauendum est , ne caseariam artem peruertamus : perperam cogamus caseum , separemus serum , colligamus butyrum . Etenim si ex arte hæc præstemus , butyri non multum in caseo , pauculum vel nihil in sero relinquemus . Quod si in illo , vt purget , copiosum butyrum relinquere libeat ; omnino necesse est , vt serum eodem spoliatur . neque enim vtrobiq; affatim & vberimè : & nisi vberimè , omnino impotens est , omnino effoetum , vt fateris monitus a Dioscoride .

Adiungis Mesuæ verba , quibus tuam fulcias ad Galenum & Dioscoridem , explanationem . ea hæc sunt ex recta , perspicua , elegantique Siluij interpretatione . *Fit autem (serum) ex lacte ebutyrato , siue a quo pingue innatans secretum est , quando lubricitatis causam ex partibus excretorijs auferre volumus : ex lacte non ebutyrato , cum eas partes lenire magis ac lubricare studium est .* Quid putas sibi velle Mesuë hisce verbis ? *ex sero cum sumi debet ad purgandum butyrum*

non extrahendum tua sunt verba . Ego longè aliud eum sibi velle, & existimo & probo . Exhibetur serum (vt tecum loquar) ex hoc Mesuæ loco butyro adempto, & non adempto butyro . illud cum excretorijs membris lenitate non est opus : hoc cum lenitate opus est . Itaque duplici modo ex Mesue ad purgandum exhibetur serum, ebutyratum nempe, & butyratū . Ebutyratum, cum præter purgationē nullo alio opus est : butyratum, cum prætereà exsiccata asperaq; membra lenire consilium est . Non rarò enim accidit, vt membra purgationi seruentia præ febrili, vel alio calore ita scabra sint arefacta, asperaq; (vt eorum natura patitur) vt obliniente aliquo & lubricante (butyro aliouè) indigeant . alioqui enim tum quæ in eis conclusa exaruerunt, excrementa ; tum quæ aliunde eò prolabantur, inde elabi non possunt . Sed de Mesuæ loco inferiùs . *Serum*, addis, *meliùs purgat lacte solo, aut butyro solo, utpote quod melius intestina abluat* . Si serum est aqua, ex se ad purgandum omnino inepta, solius admisti-

bu-

butyri beneficio purgans, vt superiùs probare conatus es, non abluendo purgabit, sed obliniendo, lubricando. hec enim est butyri facultas. Quòd si purgat abluendo, sanè purgandi vis non ex butyro, sed ex sese. At, inquires, vtroq; purgat modo:

Clepeum post vulnera sumis

Ouid. 1.
Trist. 3.

*Serum An solùm ad Purgandum,
An etiam ad Alterandum apud
Veteres Vsurpatum? Hippo-
crates, Galenus, Me-
sues Expensi.*

C A P V T VII.

SERVM non solùm ad purgandum, sed etiam ad alterandum apud veteres in vsu positum, ex Mesuq; mox allatis verbis probare contendes. Quoniam, inquis, Mesues verba præ manibus habemus, quibus ex lacte ebutyrato seram ad lubricandam aluum accipit, ex non ebutyrato autem ad lubricitatem impediendam antequam ulterius pergamus,

con-

considerare oportet, iam tempore Mesues
 serum cōsueuisse accipi ad alios vsus præ-
 ter purgationem. Hęc tu : cui primò
 quidem condono latinitatis crimen de-
 ebutyrato, non ebutyrato, vel potiùs aliò
 culpam deriuo, in impressores. Sed ve-
 reor, ne tantam illi culpam sustinere pos-
 sint : præsertim si hæc conferantur cum
 ijs, quę pagina 30. a te scripta sunt. Sed
 de latinitate hætenus. non enim hic cō-
 silium est *in alieno foro litigandi*, sed in
 medico: vt ne videar, quasi, *omissa hype-
 ra, pedem insequi*. Perpendamus ergo
 mentem verbaq; Mesuæ. Hic ait pur-
 ganti sero miscendum esse butyrum: seu
 mauis dicere, butyrum ex eo extrahen-
 dum non esse, cum lubricitate opus est
 partibus excretorijs, eis nimirum exsic-
 catis. Cum verò eæ partes lubricitate
 non egent, sero ebutyrato purgandæ.
 Hęc si attendas, reperies profectò, serum
 ad vnum tantum vsus a Mesue vsurpa-
 tum, ad purgandum: ad lenitatem ve-
 rò exiccatis partibus affricandam bu-
 tyrum esse adiunctum. Ecce alium vsus,
 quem sero tibijs, butyro tribuendum.

Hęc

Hęc ita sese habere, idque velle sibi Mesuem , patet apertissimè eius verba consiliumq; diligenter perpendenti. Ait Mesue , duplici modo parandum esse , exhibendumq; serum : primo ebutyratum , hoc est, extracto butyro ; idq; *cum oportet causa lenitatis a membris expulsionem abscindere*: nempe, vt clariùs cum Siluio loquamur , *cum ex partibus excretorijs auferre volumus lubricitatis causam* . Causa autem lubricitatis ex huiusmodi partibus per serum auferenda , nihil aliud videtur esse , quàm pinguis lentusq; humor ac pituitosus , vel non absimilis, qui partibus illis adhærens lubricare possit . Cum ergo huiusmodi humorem , vel quidquid sit aliud, ex ijs partibus auferre consilium est , ebutyratum serum adhibemus , siue ex lacte ebutyrato serum curamus parandum . Alioqui enim butyrum , sero mistum , retundendo feri acrimuniam , hebetandoq; nitrositatem, attenuationem, ablutionem, abstersionemq; qua ad humorem illum pinguem lentumue euacuandum opus est , impediret. Cum ve-

rò in excretorijs partibus talis humor pinguis ac pituitosus non adhærescit, aridæq; propterea exsiccatæq; (vt eorum fert conditio) sunt eadem partes, sero butyrato opus habent: sero quidem ad purgandum; butyro verò ad leniendum. Tu verò ais, Mesuem ebutyrato vti sero ad lubricandam aluum, non ebutyrato ad lubricitatem impediendã. Ergo vel sententia tua vitium facit, vel latinitas planè corruit. nam si hanc stare velis, illa collabitur, funditusq; evertitur: si verò illam fulcias, hanc ruere finas necesse est. Sed firmè stet, nullumq; faciat vitium latinitas, ac proinde ebutyratum hic apud te significet idem, quod pag. 30. & alibi apertè designat, nempe butyri expers; quomodò affirmare potes, Mesuem ebutyrato sero, aut sero ex ebutyrato lacte deprompto vti ad lubricandam aluum? ex non ebutyrato ad lubricitatem impediendam? Mesues vtitur ebutyrato sero non ad lubricandum, sed e contrario ad lubricitatem auferendam: vtitur non ebutyrato non ad lubricitatem impediendam, sed

ad lubricandum . Eius ipsa loquuntur
verba . Illud tamen ratum firmumq; sit ,
serum apud Mesuem semper ad purgan-
dum, nec nisi purgationem spectare .

Alterum argumentum depromis ex
Galeno 2. ad Galuconem: *Inuictus ra-
tione succus ptissanæ abundanter exhi-
bendus, & serum lactis* . Ergo serum,
inquis, etiam ad alterandum a Galeno
vsurpatum . Expendamus, vt Mesuæ,
tum verba, tum mentem Galeni . De
elephantiasi huic sermo est, calido sic-
coq; morbo, ex calidis, siccis, vstisq; hu-
moribus oriundo; partibus exustis, are-
scentibus, ac sedè labefactis . Itaque
victus ratio ea esse debet, quæ nō solum
vires a difficili ac diuturno morbo per-
cussas restituat: verum (quod prora &
puppis est) calidum etiam viscerum in-
temperamentum, vstos humores, are-
scentes partes humiditate corrigat ac
frigore . Nam sicuti cibus, vt cibus, in-
dicatur a viribus, ita, vt calidus frigi-
dusue, humidus aut siccus, indicatur a
morbo. Meritissimò igitur Galenus in
elephantiasi ptissanam perrigit & serum.

Quòd

Quòd si hac ratione serum alterans me-
dicamentum declares, sanè & ipse ali-
menta ferè omnia declaro alterantia
medicamenta: cum alimèta, vt diximus,
sicuti naturæ amica, ita inimica morbo
esse debeant: *Dieta*, inquit Hippocrates,
in morbo contraria.

6, Epid. 7.

Ceterùm an antiqui medici, Hippo-
crates præsertim & Galenus sero alte-
rauerint, an solùm purgauerint, non ra-
tione, sed obseruatione indagandum,
Apud Galenum nullum, vt vidimus, sub-
odorari potuimus locum, ex quo, eum
sero alterasse, nobis suspicari liceat.
Celsus nullibi sero alterat. Hippocrates
vbique purgat. Duobus ac triginta lo-
cis serum meminit, adhibetq; semper
purgationis caussa. De Victus Ratione
in Acutis seri asinini, bubulini, & capri-
ni mentio fit solùm ad purgandum. lib. 2.
de Mor. Mul. in fluxu muliebri, & uteri
conuulsione. Ibidem in capite repleto, &
ulceribus impleto. 2. de Mor, in febre
quotidiana, in morbo liuido, in morbo ni-
gro, pituitoso, regio, siccatorio. De In.
Aff. in resiccatione medullæ spinalis; in
Morbo

*Morbo crasso. De Aff. in morbo articu-
 ri, in ulceribus & morbo renali. De Mor.
 Mul. in vteris inflammatis. Alibi sem-
 per purgat, nullibi vnquam alterat. Ut
 verò vniuersam rem exploratam habea-
 mus, animaduertendum est, serum ad
 vnam purgationem ab Hippocrate vsur-
 patum. Lac verò ad purgationem, àl-
 terationem, nutritionem. De sero constat
 excitatis alijsq; omnibus locis, in qui-
 bus sola purgationis mentio. De lacte
 verò singillatim demonstrandum. Et
 quidem purgationis causa id vsurpatum
 notius est, quàm vt a me probandum
 sit: *Aluum lacte asinæ cocto purgabis, in
 Acutis.* Sed hoc nimis notum. Itaque
 ad nutriendum, reficiendumq; debile
 corpus lac vsurpatum, liquet ex 2. de
 Mor. in curatione Tabis dorsalis, in qua
 cum corpus nimia venere propè confe-
 ctum langueat, bubulino lacte id reficit
 ac restituit. *Bubulinum lac per 40. dies
 bibendum præbito.* Demum alterationis
 causa vsurpatum, constat ex 4. Acuto-
 rum in curatione torminum, ex acri bi-
 liosoq; humore oriundorum; & in imi*

ventris æſtuatione præ calore nimio :
*Lac aſininum modicum primò , deinde
 ſenſim factò progressu amplius ſumen-
 dum*, eadem ratione , qua apud nos in
 more poſitum eſt ad alterandum. Neque
 enim hìc purgare poteſt Hippocrates
 cum *Modicum* exhibeat . Iam verò hi
 tres uſus, alteratio, nutritio, & purgatio
 ſimul omnes innotescūt ex vno eodemq;
 loco libri I. de Mor. Mul. nam in fluxu,
 in quo excandescens acrisq; bilis puden-
 dum exulcerat, ac dolores facit , *Lac bu-
 bulum per 40. dies calidum bibendum*
 porrigit ; optimumq; eſſe profitetur. Nã
 & purgatur, inquit, & nutritur & fluxus
 obtunditur ab huiusmodi lacte.

Tex. 14.

Quod verò adiungis ex Hippocrate ,
 facis parum aptè ; & quaſi *Plumbeum
 gladium ex eburnea educis vagina*. non
 oppugnans nos Hippocrate , ne umbram
 quidem noſtram . Nam ibi ſermo eſt de
 medicamento ſurſum ac deorſum pur-
 gante: aitque Hippocrates aliquando
 commodum eſſe medicamenta alimen-
 tis miſcere , aliquando incommodum ;
 Tu verò exiſtimas Hippocratem loqui
 de

de alimento, quod medicamento etiam vi polleat: vel potius de medicamento, quod simul etiam nutrire possit. Quæ quàm distent ab Hippocratis mente, apertiùs intelligemus ex ipsius verbis paullo altiùs repetitis, *Medicina sursum ac deorsum: in alimento medicina optimum; in alimento medicina malum.* Quænam, inquires, cum alimento medicina bona? quænam mala. Bona sursum purgans, mala deorsum. nam *Qui graciles sunt ac debiles a cibo vomant.* nam medicamentum cum cibo acceptum, longè faciliùs vomitionem perficit pleno stomacho, quàm inani. vnde 2. de Mor. sibi constans Hippocrates *Repletus,* inquit, *vomat.* Quinimo & ijs, quæ deorsum purgant utile interdum atque adèò necessarium est medicamentum. nam validum catharticum infirmo stomacho non nisi cum alimento tutè committes: at in stomacho robusto frustra a cibo retundetur perperamq; hebetatur vis medicamenti. Itaque iurè cum Hippocrate affirmare possimus. *Bonum & malum ad aliquid.*

Hippocr.
de Sal.
Dieta 7.

Hippocr.
de Infom.
6.

Serum An verè Catharticum? Hippocratis sententia hac de re aperta .

C A P. VIII.

QVA seri mensura veteres vterètur studiosiùs inquirere, hìc superuacaneum . ex lactis enim mensura id ferme definire licet . Ad sexdecim vsque heminas, hoc est, ad 144. circiter vncias, lac exhibitum apud veteres fuisse, ex Hippocratis mox accerendis locis palam erit . Itaque prætermisso quinto libri tui capite, ad sextum gradum facio: in cuius ipso limine scrupulum offendo, a te mihi omnino euellendum . Vocas in dubium, serum an verè catharticum : mox id negas asseueranter : aisque illud vel non per se, sed adiunctorum beneficio (epithymi, aliusue) melancholiam purgare : vel si per se, non è longinquo, sed e ventre solùm, vt de absinthio scriptum est a Galeno purgare humorem biliosum . Neutra (dicam libe-

liberè) mihi probatur assertio tua . . . Ec-
quidem vix credere possum, tantam
humorum copiam, a sero eductam, e
sola prodire aluo. nam si quanta quanta
ea est, humor esset & excrementum,
tanta sanè humorum vis a sero extrudi
non posset. Apud vnumquemque enim
compertum esse puto, serum non solum
primis diebus copiosum educere humo-
rem, sed reliquis etiam, ad vigesimam
vsque, eoque amplius, si tamdiu exhi-
beatur. Neque verò *ad partem post
partem*, tanquam ad sacram anchoram
confugas; quia de rhabarbaro, pluries
exhibito, ceterisq; idem iurè affirmabo.
Rosaceum solutium scio te præterea
obiectare. Nollem hic, *nouo me inclu-
dere ludo*: proferam tamen ingenuè, quod
sentio. Rosaceum solutium solam
aluam purgare, ij tantum credunt, qui
aliorum opinioni acquiescentes, rem ip-
sam non speculantur. Quotus enim
quisque est tam antiquus & simplex,
qui sibi persuaderi patiatur, excremen-
torum vas, a rosaceo extrusorum, in
solo ventre contineri, in exilibus mese-

rei ventis? Qui profectò e libris vel transuersum vnguem recedere, crimen maiestatis arbitrantur. Sed hac de re alibi. Hic verò sententiam nostram Hippocratis testimonio, etsi genere Coo, ponderare tamen auctoritate ac fide planè Attico comprobemus. Libro 2. de Mor. in erysipelate pulmonis vna tantum purgatione, qua ventrem primosq; ductus emundaret, non contentus Hippocrates, aliam adiungit, ex lacte, seroque paratam, qua venosum genus, corporisque habitum a bile alioue humore noxio vindicaret: *Huic pharmacum deorsum purgans bibendum dato, & lac asinae insuper bibendum, si non natura fuerit splenicus: si verò splenicus fuerit, ne purges neque lacte, neque sero, sed eo, quod modicum ingestum multum purgat.* Hæc Hippocrates: circa quæ velim animaduertas, natura splenico (natura, inquam: nam, vt hoc etiam obiter adiungam, nisi natura splenicus quis fuerit, tantum abest, vt lac aut serum interdicator, vt potius commendetur: *Et si splenicus fuerit, asinum lac aut serum exhibeto.* nisi tamen

Tex. 53.

rex. mendū subesse suspicemurcum Mercuriali & Sallio) animaduertas, inquam, splenico, cui prohibitum lac est, validum substitui catharticum. Vnde duo intelligi possunt: primum, lac aut serum non eo consilio hic vsurpatum ab Hippocrate, vt vel prioris medicamenti reliquias abstergens abluensq; educat; vel vt calorem a calore medicamenti prius exhibiti, aut alio quouis genitum restinguat: sed vt electiuè, vt loquuntur, ac validè purget; cum sero lactiq; prohibito substituat *Quod modicum ingestum multum purgat.* Alterum intelligi inde potest, ab Hippocrate non exhiberi lac, aut serum, cum catharticum validumq; medicamentum interdicitur, vt sibi quispiam fingere potest: cum id, *quod modicum ingestum multum purgat*, seri vicarium, validum sit ac vehemens catharticum.

Neque mirum videri debet, in pulmonis erysipelate, quod, cum inflammatio sit, vel vnicam respuere videtur purgationem, duas ab Hippocrate præscribi: primò quia non est verum erysipela, vt locum perpendiculari clarè innotescit.

Deinde etiam si non spurium, sed numeris omnibus absolutum esset erysipela, altera tamen purgatio non improbanda, quia ex lacte præscribitur: quod tantùm abest, vt nimium excalefaciat, & vt Hippocratis verbis utar, *Sanam partem colliquet*, vt calorem potius restinguat. Tertiò quia morbus oriundus est ex cruditatibus ac repletione, quæ geminas desiderat purgationes. Demum quia ab Hippocrate definitum non est alterius purgationis tempus. solùm ait, bis purgandum, primò deorsum, deinde lacte asinæ. Cum verò Hippocratis præcepta saniori modo intelligere debeamus, utiq; congruenti tempore, concocto nimirum morbo, altera purgatio, ex sero lacteue præscripta, adhibenda videtur. quo tempore vel ardentissima inflammatio alteram admittit purgationem.

Quarto Acutorum libro velim attendas paullo accuratiùs febris ardentis curandæ rationem. Primò aquam, & aquam mulsam affatim bibendam suadet Hippocrates, deinde vtendum vomitu, mox clystere, demum lacte asinæ co-

cto purgandum. Purgandum, inquam, non ventrem, quem clystere expiauerat; non stomachum, quem emundaauerat vomitione; sed venosum genus, quod bile refertum, ardentem febrim concitauerat.

Hoc eodem libro perpendenda, quæ de Comitiali ac semiferato morbo scripta sunt ab Hippocrate. *Medicamentum exhibere sursum purgans, nisi alleuetur: ad infernam verò aluum, si non subeat, infusum per clysterem adhibere. Postea verò lac asinæ coctum bibendum dato, & non minùs quàm duodecim heminas bibat. si verò adsit virium robur (quo magnâ purgationem ferre possit) plus quàm sexdecim. Vbi animaduertendum est, semiferatum, & comitiale nasci ex affluxu atræ bilis, & acrium fluxionum, si in ambientes locos inciderint.* (sunt Hippocratis verba, maxima digna animaduersione) Ergo exhibetur lac ad atrabilem acresq. humores purganda ex locis ambientibus. Neque enim nobis fingere possumus, ad alterandum exhibitum fuisse lac, atque demulciendam humorem.

ijsmodi humorem. quid enim opus fuisset & virium robore, & heminis plus quàm sexdecim?

At video te renuentem hosce locos, tãquam de lacte, non de sero loquentes. Ceterùm si rem candidè & sine fucospectabis, quod de altero (quo ad purgationem spectat) asseritur, ferè de altero asseri posse fateberis: Lac sero, serum lacti sæpe ab Hippocrate substituitur, & alterum pro altero ad purgandum usurpatur: *Lac asininum bibendum dato, aut serum caprinum decoctum*: & alio loco: *si verò non adfuerit serum, lac asininum coquito & exhibeto*: & alibi, *Lac asininũ, aut serum bibendum præbito*. Quidquod Rodericum vt conuincam, Roderico potiùs, quàm Hippocrate vtendum teste. *Quod de lacte diximus, sero potest adaptari*, scriptum est cap. 2. eius Cõmentarij Immo verò quæcumque purganti lacti tribuuntur, sero accepta referenda sunt. Propter serum lac purgat ex Hippocrate 2. de Dietat.

Quid tandem his, inquires, quorsum hæc omnia? An vt probent, serum esse cathar-

De Mor-
bis.
De Int.
Aff.
De Mor.
Mul.

catharticum? Profectò si ad constituendum aliquod medicamentum catharticū satis est, vt sua, non alienā vi purget, vt non e solo ventre, sed e venis etiam corporisq; habitu bilem, verbi gratia, proleat; serum cathartitum esse medicamentum, ratione, auctoritate, experimēto vel ei probaui, qui *Timone Niceo, nec sensui nec rationi credente*, difficilior fuerit aut peruicacior.

Neque a cathartorum albo delendum videtur serum; quòd puget omnes propemodum humores, bilem flauam, pituitam falsam, vltosq; humores: quia *medicamentum ubi corpus intrauerit, primò quidem ducit, quod sibi secundum naturam familiare est, deinde alia trahit ac purgat* ex Hippocrate de Nat. Human. Quæ verba, licet aliò dirigi ab Hippocrate videātur, aptè tamen quadrāt sententiæ nostræ. nam vnumquodq; catharticum primò quidem familiarem, sibiq; analogia coniunctum humorem, deinde alium quemuis elicere animaduertes. Exhibito rhabarbaro non bilem solùm, sed pituitam etiam, aqueosq; humores

imò & melancholiæ portionem eductam videas . Neque ex eo , quòd serum *Clementer purget* , ab eodem catharticum albo expungere licet , quia violæ sero clementiùs , aut æquè clementer purgant , abdicta tamen occultaq; vi , si *Costæo* assentiendum putamus : imò si ipsi *Mesue* , qui ait *siccata fit Trabendo purgatrix* .

Nescio quid nutas de epythimo , serum purgare innuens certos humores huius beneficio . Candidè , velim , mecum ipse animaduertas , epythimum non esse adiunctum sero , quòd hoc non purget , sed vt purget magis . Quemadmodum enim ab eodem Galeno mulsæ adiunctum est origanum , calamenum , hyssopum non quòd ea non discutiat detergarque , sed vt citius id præstet , valentiùs , faciliùs : ita sero adiunctum est epythimum , roboris ergo , & promptioris facultatis : vt etiam apud *Mesuem* liquidò constat . Quinimmo hac in re tuo te possem gladio petere , tuo vtens argumento . Ais cap. 4. serum alterare : subdis ; *Hæc opinio non habet contrarium sibi Galenum* :

quippè Galenus veteres dixit ad soluen-
dam aluum sero usus fuisse, nec tamen
alios usus negavit. Hac eadem ratione
& ipse argumentor. Mesues Galenusue
usus est ad purgandum sero cum epithy-
mo, non tamen negavit, serum absque
epithymo purgare: neque igitur a te ne-
gandum est. Sed περι κοιλολυσίαν γίνεσθαι
diutius, superuacaneum.

Cic. Att.
lib. 10.
ep. 15.

*An Sero insit Nitrum? Quid sit, quod
in fundo vasis subsidet?*

C A P V T IX.

DE eo, quod in vase distillatorio
subsides, mihi agendum hic tecum
est. Nitrum id esse omnino existimo
quod prius inerat in sero. Hoc autem
non reddebatur ab eo ante distillatio-
nem ita falsum, quod nitrum fortasse
non erat ita falsum. nonnihil enim sal-
sedinis ex distillatione adipisci potuit,
calidum magis siccumq; redditum: præ-
sertim verò si non vaporatio, sed alio
chy-

chymico instrumento ferum distillandum committas. Quod enim in fundo vasus subsidet toto distillationis tempore, cum sit distillanti igni proximum, magis exsiccetur necesse est: non solum perenni validaq; ignis actione, sed etiã sursum euolante, a quo perfundebatur, humore. Accidit quòd vnumquodque, e ceteris suis partibus per distillationem separatum, acrius est, efficacius, validius. Quam enim acridinem acutamq; vim in tartari sale, vini, aceti senties? Quam vim experieris in gutta olei vitrioli? quam acrimoniam, quamue aciditatem? Sanè & pannos, si imponatur, perforabit aduretque; & ori admota vix ferendam acrimoniam vel aciditatem promet. Quod si sumeres totum illud vitriolum, vnde ea gutta extracta est, pannoq; imponeres, aut lingue admoueres; certè neque illum perforabis, neque hãc tanta afficies acrimonia aut aciditate. (nam acidus ne sit, an potius acris spiritus oleumq; vitrioli; sicuti calidus ne an frigidus, in præsentia discutere non licet,) Itaque non est cur mereris, si nitrũ,

in imo vasis hærens non vaporarij , magis falsum nitrosumq; redderet destillatum serum huic iterum si misceretur .

Sed videamus paullo accuratius, an reverà nitrum sit , an potius exustus caseus, vr contendis : videamus mea , tua videamus argumenta . Nitrum esse existimo , quod inerat in sero , primò quia illud huic inesse , auctor est Mesues, Auicenna , Galenus . Mesues quidem nitrosum appellat capite proprio . Auicenna nitri quippiam vel aphronitri in eo agnoscit , Galenus falsuginosum esse ait . Quinimo experimentum id comprobat , cum eos , qui nitri proprii esse solent , præstet effectus , vel te ipso confitente . Tertiò quia ipsi sensui innotescit esse nitrum: mordet enim cum falsedine . Demum vrina, quæ sanguinis serum est , proportioneq; respondet sero lactis (etsi, eadem vtriusq; substantiam esse , multorum probabilis fert opinio) non mediocrem de huius nitrositate suspensionem facit . nam sapore haud absimili præditum est tum extracti sanguinis, tum emulsi lactis serum. immo verò illud,

Lib. 2.
tract. 2.
2. Simp.

illud, per renes & vesficam in matulam profusum, nitri speciem, parietibus ac fundo adhærescens, refert haud obscuram. Neque verò consentaneum est, veròq; simile, caseum, vt ais, esse, ignis vi excoctum: quia balneum vaporosum, cui destillandum committi debet serum, tantùm abest, vt exurat, vt, si exitum prius esset, potius humectet. Nobis verò ex arte distillatum serum in disceptationem quæstionemq; vocandum. Prætereà serum destillamus, a caseo optimè deputatum. nihil ergo huius relinquitur in fero. Neque nobismet ipsis fingere possumus casei partes, tanquam subtilissimos atomos, in feri poros sese insinuasse: quia caseus, terrea crassaque lactis pars, vt difficillimè in minutissimis illis poris occultus latere potest, ita facillimè a fero separari.

Sed vellem, vt paucis expediamus rem, quæstionemq; dirimamus. Illa subsidentia, crassior terrestriorq; feri pars, vaporosa destillatione a tenuioribus secreta partibus, salsa est. Hoc palatus, certissimus saporum explorator, aperte
 atte-

attestatur. Fieri non potest, ut is sapor ignis adurentis soboles sit denuoq; genitus: quia balneum vaporosum adurere non potest, nullo omnino modo potest. Ergo materia illa falsa inerat in sero. Iam verò, siue nitrosam appellare eam, velimus Mesuæ credentes, siue falsuginosam credentes Galeno; aut a phronitrosam Auicennæ assentientes, aut demum alio quouis nomine eam nominare libeat; ego non laboro. de nomine follicitus non ero, dummodo mihi detur, huiusmodi falsedinem non esse denuo genitam distillantis vrentisq; ignis vi. Neque mirum videri potest, saporem falsum hebetem, ignaum, & obscurum in sero latitare, quia humor inundans eum retundit & obruit: neque proinde, nisi valde falsus sit, sese promere potest: ut accidit in sero camelino, in quo Auicenna falsedinem percepit. Cum verò a retundente humore separatus est, integris est viribus, maximamq; vim promit, & gustatui palatoq; clarissimè innotescit. Hæc mea sunt argumenta, si non planè aperta firmaque, tuis certè apertiora & firmiora.

firmiora. Quinimò tu hac in re nudus es & inermis: *ipso nudor paxillo*: solùm afferis esse caseum ignis vi excoctum, nulla id probans ratione: quasi assertio sola firmum sit argumentum, firma ratio, *Xenocratis testimonium*, *Metelli tabula*.

Cic. Ad.
1.1.ep.13.
Cic. pro
Bal.

Iam verò, quasi veritate coactus, non nitrum, sed nitrosas partes in sero inesse fateris; a vero tamen nitro plurimùm dissidentes: idque colligis ex Galeno dicente, nitrosas partes esse subtiles (cuiusmodi, inquis, sunt feri partes) nitrum verò crassum esse ais ac terreum. Sed primò quidem aut nitrum ipsum, aut nitrosas partes sero inesse fatearis. parum laboro: dummodo non caseum id esse concedas. Deinde putas ne ex eo, quòd nitrum solidum: nulloq; respersum liquatumq; humore, crassum sit & compactum, eodem modo crassum esse humore perfusum & omnino liquatum? Profectò nitrum respersum liquatumq; in aquam ferè & humorem abit, euaditq; tenue, penetrans, permeansque, abstergens, & aperiens. Sed demus, quod contendis, crassiusculum esse ex
se-

sele, num tale etiam esse putas nostro corpori? Non ædepol id existimabis, si memoria reuoces, quæ superius a te ipso ex Galeni sententia dicta sunt. Medicamentorum qualitas definienda non ex se, sed *respectu eius ad quod dicitur*. Quare etiam si demus, nitrū terreum esse crassumq; cum tamen epotum attenuet, aperiat, detergat, non crassum; sed subtile vt habeatur, dignum est.

Iterum de Sero partibus: quod in Distillatione ascendit, num calidius, an frigidius sit?

C A P. X.

DE tenuioribus seri partibus, quæ in distillatione ascendunt, iterum postulas Obicium apud Galenum 10. Meth. 9. Sed is pristina actione nostra ita euasit ab tua accusatione vt te potius condemnauerit Galenus. Itaque de seri partibus chymicè separatis non Galeno iudice, quippe tibi se uero duroq; sed ra.

tione ipsa cognoscente litigemus . Te-
 nuiores, quæ ascendunt, calidas esse
 opinaris : ego potius frigiditas opinor :
 quod vt innotescat, velim, vt se-
 posito tantisper sero, rosam destille-
 mus, cichorium, absinthium, calamen-
 thum . Quod ex his abstrahitur in al-
 tum, est ne calidius, an frigidius eo, e
 quo abstrahitur, rosa, cichorio? Sanè fri-
 gidius est . non solum enim rosacea &
 cichoracea tu ipse ad refrigerandum
 vteris, quippè frigidis, etiam si in vtroq;
 aliquid calores, imò non exiguum inesse
 fatearis, ab eorum amarore victus : sed
 etiam calamenti, absinthijque ; si Car-
 dano Montanoq; credideris. Ergo quod
 ascendit, frigidior est pars rei distillata.
 De sero autem (nam de hoc propria est
 quæstio . non enim omnia, maximè vi-
 num, in disceptationem vocari possunt)
 id ipse negare non potes . nam quæ a-
 scendit, pars mera, inquis, est aqua, nulla
 vi prædita, acrimonia Galeni, ceterisq;
 facultatibus spoliata. ergo frigidior erit
 pars seri distillati .

Neque verò ab hac philosophia dis-
 sen-

senties, si pould accuratiùs vim distillationis, distillatiq; conditionem attendas Scilletur exempli caussa cichorium: ex hoc quæ in altum abstrahitur pars, ea est, quæ cum tenuior est, tum misto infirmius hæret. necesse est enim, vt quod seiungitur a ceteris sursum euolans, aptius sic ad ascensionē, promptius ad separationem. Tenuius ergo erit, minùs viscosum, compactumque, aqueum magis, ac magis fluidum: quod a Fernelio tenuius dicitur euocatuq; faciliùs. Itaque e cichorio absinthioe aquosiores primò in altum abstrahuntur partes, ac proinde frigidiores.

De phlegmate, sale volatili & fixo, æthereoq; spiritu scio quid comminiscantur Chymici: quos sicuti hac in re non aspernor; ita non veneror. Quod faciliùs in distillatione abstrahitur in altum, non esse misti partem, vi non polere eadem ferè atque mistum, siue huius naturam non redolere, commentum est & somnium *Hibera nenia*. Quis enim est, qui inficietur, feniculi, exempli gratia, distillatam aquam oculis non pro-

desse, lactuæ capiti, cordi florum aranciorum, stomacho mentæ, vtero capillorum veneris?

Neque dicas, in hæc aquas, per se inutiles, volatilis illius, fixive salis, aut humoris primigeni, spiritusq; viuifici, clam nobisq; inscijs portiunculam irrepisse aliquam, cui vis omnis, omnis aquæ virtus accepta referenda sit: quia aquam illam merum esse phlegma, hoc est, effœtum inutilemq; humorem, incoctum minimèq; subactum, neque proinde veram misti naturam redolere, mera tergiuersantis Chymici esset assertio, merum commentum, inane somnium. Sed hac de re minùs hic opportunus locus, cum non Chymicis, sed Hippocraticis, scribere debeam: neque proinde in Chymicorum campo latius vagari nec, dum

Plaut,
Afinar.
a. V. 5.2.

Fundum alienum arò, incultum familiarum deseram.

*Serum distillatum An purget? Infirmiùs
ne, An validiùs Alteret? Libauij
locus Expensus.*

CAPVT XI.

ITERVM atque acriùs instas, vr-
ges, insectaris Obicium, existiman-
tem, stillatum serum & infirmiùs purga-
re, & alterare validiùs. Insectaris autem
his verbis: *Sed porrige seri tui destillati
beminas illas quinque aut plures, quas
non destillati porrigebant veteres, dispe-
ream nisi aluum soluat.* Iuras serum de-
stillatum, vberriùs sumptum, aluum
purgaturum. Et iurato tibi, & non iu-
rato credo: quippe probè nouerim, vber-
tatis id esse proprium & copiæ. Therma-
les aquæ, vel quæ per vrinæ ductus in-
nata quadam vi feruntur, affatim epotæ
aluum commouent. De Romanis aci-
dis, extra portam flaminiam ad pontem
meluium nascentibus; deque Nucerina,
quæ terra lemnia, aut armeno bolo præ-

dita alium coarctare potius deberet, re-
doctus id affirmo, in meq; recipio. neque
enim semper λογίατρος eius.

Sed hæc leuia sunt, neque me diutius
dubiè malèq; habuerunt. Libauij verò
locus, quem in tuum inseruisti commen-
tarium, adeò me torfit, incertum adeò
dubiumq; reddidit, vt, quo illum consilio
appegeris libello tuo, adhuc assequi,
etiamsi intenderim mentis aciem, non
potuerim. Tuum in hoc capite cõsilium
est, de ijs feri partibus differere, quæ
ascendunt, quæque subsident in distil-
latione, Ais, tenuiores ascendere, subsi-
dere crassiores. Subdis, eas calidiores
esse, ac proinde inscitè ab eo, & ἀνεπιτεκ-
νύτως in febribus exhiberi frigefaciendi
caussa. Instas in eundem, tenuiores ha-
scæ partes non esse ad purgandum ine-
ptas, vt existimat Obicium, sed valde
aptas, cum, vt ais, *Tenuitate abluant, de-
tergant, repurgent*. Demum accersis Li-
bauium, quo consilio, obscurum mihi ac
planè ignotum. Obicium alloquens, hæc
habet: *Sed si propius ad destillationem
accedere cupis, consule Spagiricæ artis*
peri-

peritos, inter quos optimum locum occupat Andreas Libavius, qui de sero sic loquitur; sic ergo (sunt verba Liberarij) in tres partes diremptum lac est; nempe aëream cum qua est & ignea, quæ separari potest destillatione: postea aqueam, ac tandem terream, quam caseum vocat, sicuti aquam serum. Iuxta (subiungit Rodericus) huius auctoris sententiam id quod prius in destillatione egreditur, proprie serum dici nequit, sed dicitur substantia aërea atque ignea: secundo loco serum conspicitur, ultimo tandem relinquitur pars terrea, seu caseosa.

In salebris tuæ orationis bareo, ac vehementer animi pendeo, quorsum tu cum Libauio, quorsum tua eiusq; verba dirigantur. Verba Libavij, si per se attendantur, aperta sunt, omnino aperta: si conferantur cum tuis omnino obscura. Ea tantum sibi volunt, tres esse lactis partes per coagulum separandas, aëreã, aquam, terream. Vnam verò, quæ ignea est, seu igni proportionem respondet, sola distillatione separabilem. Hæc secuti vera sunt, ita ad rem tibi propositam planè

inepta.

inepta . neque enim quæ antea , neque quæ postea a te scripta sunt , aut probare, aut fulcire , aut alio quouis modo illustrare potes Libauij loco .

Sed est , Roderice, cur a te veniam petam oscitantiaæ meæ . Aperta sunt tua verba, aperta mens . Ais, Libauium asferere, quod primo ex distillato lacte elicitur aëream esse substantiã igneamque; quod deinde, serum esse; quod demum, esse caseum. Libauius lac distillat? se iungit lactis partes distillatione? Immo verò alio quouis modo se iungit, præterquam distillatione . Discrepant omnino opiniones nostræ : non verbis modo, sed vniuersa re, ac tota sententia a te dissentio . Et vt dissentionis meæ ratione habeas, Libauij consilium hic perstringam: idq; eò libentiùs, quòd non vulgarem doctrinam , contritamq; philosophiam contineat .

De resolutione per coagulum (sic enim inscriptum caput est) agit Libauius, hoc est, de ratione lactis per coagulum separandi : tresq; proponit modos , quibus natura ab inutilibus vtilia , pura ab im-

puris,

puris segregare consuevit. Primum violentum per ignem: alterum putrefactorium per calorem extraneum: tertium fermentatorium per principium intrinsecum. Tres hosce modos, a natura, nullo edocta magistro, repertos, ait Libanius Hippocr., *Placuisse arti*: ac proinde hanc excogitasse instrumenta, veramque rationem naturæ actionem æmulandi. De putrefactionis, violentiæque per ignem imitatione cum superius egisset, prosequitur modò fermentationis naturalis imitandæ rationem. & affert exempla, de naturæ quidem fermentatione, seu efferuescentia in musto: de artis verò in lacte. Nam secuti in illo intrinseco quodam naturæ motu efferuescunt: ita partes ac fermentantur, ut puræ ab impuris, tenuesque secedant à crassis: ita in hoc æmulantis artis adminiculo (coagulo, alioue) butyrum a sero, serum a caseo, caseus ab utroque facillimè secedit. Iam verò ex tribus hisce, quattuorue lactis partibus, quattuor elementis proportionem comparationeque similibus (nam in butyro, aëri consona & affini, igneam inesse lactis

partem, censet Libavius) terream & aqueam non solum coagulo ait secerni posse, sed etiam elixatione, simpliciq; quiete : pondere nimirum descendente caseosa terreaq; parte, aquea & serosa inundante . Aëream vero seu butyrosam sola quiete vix ab reliquis, ait, secedere ; siue vix cogi & concreescere . ac proinde opus esse agitatione & motu ; per quem dissipato spiritu, cuius opera liquatum butyrum erat ac diffusum , cogatur , & concreescat . Iam verò ignea quæ butyro hæret, lactis pars, nullo ex his modis aut cogi aut separari potest a reliquis , vt ait Libavius : neque coagulo ; coctione , aut quiete, vt aquea terreaq; pars, neque agitatione motuq; vt aërea , sed sola destillatione, chymicaq; industria & adminiculo . *Sic ergo in tres partes diremptum lac est, nempe aëream, cum qua est & ignia, quæ separari potest destillatione, postea aqueam ac tandem terream ; quam caseum vocant ; sicut aquam serum .* Tu vetò quàm latè vages, quàm aberres a mente Libauij, iam notissimum est. Tu ais, Libavius

lac distillare . At Libavius tantum abest, ut id distillet, ut distillandi artem ab eo capite longius arceat; soloque coagulo, coctione, aut quiete illud separet ac seiungat. Tu ais, quod primo destillatione elicitur proprie ex Libavij sententia serum non esse, sed partem aëream. At Libavius, neque proprie, neque improprie aëream partem serum esse ait (nam aqueam lactis partem serum esse dixit) sed esse florem lactis, cremoremque, siue, quod idem est, butyrum. Contra vero, Libavius ait, igneam, quæ in butyro est, lactis partem non nisi destillatione secerni posse. Tu autem eius mentem non assequutus, eius mentem confundis.

Sed de Quercetani loco satis mirari non possum: quo consilio eum appegeris libello tuo, assequi nullo modo potui. non enim connexa est Quercetani sententia cum sententia Libavij, non cum inscriptione capitis, non cum ijs, quæ præcedunt, non cum ijs, quæ consequuntur, cum consequatur nulla. Itaque de Quercetani idem quod de Libavij loco dicam; Apertam esse

94
esse eius sententiam, si per se spectetur;
obscuram, si cum tuis verbis rotoq; capi-
te conferatur: neque magis ad rem face-
re, quàm Homeri locū de bello Troiano.
Quod facit ad vim distillati seri (præ-
posterè, sed tamen coactus, satis promil-
so, réceptoq; facio) infirmius id purgare,
alterare validius ex distillationis vi, se-
riq; partibus innotescit. Cum enim sero
nitrum insit ex Mesue, ex Galeno falsu-
ginosum quippiam, aliquid aphronitri
ex Avicenna, utique hæc si adimantur
distillatione, præcipua purgandi facultas
adimitur, cum incidendi, attenuandi, ir-
ritandi, extergendi, attrahendiq; vis
aboleatur, aut separetur. Adimi autem,
& separari posse, ne Timon quidem Ni-
cæus, qui fidem sensibus abrogavit om-
nem, negare potest. Quod enim sursum
ascendit, serum neque falsum nitrosumq;
neque acre gustatu percipitur. Quod ve-
rò subsidet, falsum ac nitrosum palatus
sentit. Quare acrimonia nitroq; spo-
liatum serum magna ex parte, vellican-
di, stimulandi, irritandi, attrahendique
vim exuet potiore: solum aut præci-
puè

puè abluendi, quam ab humore habet, facultate relicta. Necessariè igitur infirmius purgabit. Quòd verò alteret, refrigeretq; validius, ex eodem patet argumento. nam e seroso humore demptis salis, acris, calidisq; partibus, frigefaciendi in eo vis multò validior; cumq; tenuius subtiliusq; euaserit, sese facilius in omnes corporis partes insinuabit. *Ἐπιείσθημα*, inquires, ei ex distillatione accessit. Mendosè. nam ex arte distillato sero partes nullæ, nullæ qualitates accedunt calidæ. Sed *περί ἑπιείσθηματος* capite 13. & 16.

*An Serum Hæctica oportunum & Galeni
Vindicis locus Examinatus.*

C A P U T XII.

SERVM an febribus sit commodum, disceptas 9. libelli tui capite. & de hæctica quidem id omnino affirmas, annuente, vt ais, Galeno 10. Meth. 11. vbi asininum lac hæcticis ait esse
opor-

oportunum. Oportunum autem, inquis, quia serosius. ergo serum, ais, hecticae oportunum. Acutum sanè & subtile argumentum, quod ego verum vellem. Ceterum veritatem indagans subtilitatem subtilitate compenso. Galenus lac asininum, quod serosius est, magis commendat hecticis. Esto: sed non propter serum, adeò ut humor ille hecticis sit oportunior; sed propter humiditatem eius lactis maiorem, maioremq; frigiditatem. Quod vel ex eo patet, quia alioquin camelinum lac æquè probatum a Galeno esset, ac asininum: æquè enim serosum est ex lib. de Bonit. & vit. suc. licet calidus sicciusque. Ergo non serositatis, ut ita loquar, sed humiditatis ac frigiditatis rationem habuit Galenus: & quidem merito, cum *Totum curationis momentum in refrigerando humectandoq; consistere*, exploratum sit apud eundem lib. cit. cap. 10. Itaque formalis ratio, ut more recentiorum philosophorum loquar, cur lac asininum in hectica ceteris præferatur, humiditas est & frigiditas. Quòd si hæc qualitates lac haberet absque

Cap. 4.

Lib. 10.
Method.

absque copioso sero, hoc hecticis non
esset opus. Itaque non licet sic ratio-
nari, serosius lac a Galeno commenda-
tur hecticis, ergo serum ipsum commen-
datur. licet ita quidem, serosius lac,
quod frigidius humidiusq; sit, commen-
datur hecticis (nam, ut ex Galeno dixi,
totum curationis momentum in refrige-
rando humectandoq; consistit) ergo fri-
gus & humiditas commendatur.

Illud tamen animaduertas, velim, lac
asininum non esse frigidius, quia sero-
sius: adeò ut a sero frigus mutuetur; sed
e contrario, serosius esse, quia frigidius &
adeò ut serum ex frigore, non frigus e
sero nascatur, ex frigidiori enim anima-
li lac frigidius gignatur oportet: ac pro-
inde serosi humoris vbertas, & copia.

At verò vis ne apertius intelligere,
ea, quæ dixi, hoc sese habere modo?
Hecticam perpende, perpende lac. Illa
calidum est, siccumq; intemperamen-
tum: atque ita calidum & siccum, ut par-
tes solidæ exaruerint, ac serè exsuccæ
contabescant. Quare duplex maximè
scopus in hectica spectandus est, alter in-

temperamento, in quo morbus situs est, alter maciei, præcipuo & maximo illius effectui, ac periculoso infestoq; sympto- mati, propositus. Itaque medicamen- tum ad hæc opportunum huiusmodi esse debet, vt humectans ac refrigerans fa- cilè, multùm, citòq; nutriat. (non enim hic solam intemperiem spectamus, cuius totum curationis momentum in refrige- rando humectandoq; consistit : sed ma- ciem prætereà ac tabescentiam, cui lac etiam dirigitur.) Nihil ergo lacte ac- comodatius, quippe frigidum humidūq; est, firmè adhærescit, facilè nutrit vel ip- sius affinitate naturæ. Asininum magis frigidum, minùs nutrit: vaccinum magis nutriens, minùs frigidum est. Illud in- temperamento acomodatius, hoc op- portunius maciei. Quòd si hoc illius ha- beret cum frigiditatem, tū humiditatem, etiamsi minori præditum sit feri copra. omnium tamen oportunitissimum, his saltem spectatis, censendum esset. Patet ergo ex hac ratioçinatione, serum, aut serosum lac, vt serosum est, nullius ferè commodi esse hectica laborantibus siue

non ea de causa extolli præferrique a Galeno.

Cetèrum audio, qui obijciant illud Aristophanis in Ran.

Apertius mihi loquere, atque indoctius.

mea nimirum verba præ eorum caligine & asperitate non assequuti. hecticamq; spectandam esse dicent, ut calidum est, siccumq; intemperamentum, non verò ut tabe macieq; absumpsit & confecit corpus: & hac ratione serosius lac opportunius esse, hoc est, serum ipsum.

nam, ut superius ex Galeni sententia dictum est, in hectica curanda eo cogitationes dirigere debemus, ut calorem & siccitatem humiditate ac frigore corrigamus. Duo velim probè teneas: alteram lac asininum non ad solam calidam siccamq; intemperiem corrigendam a Galeno exhiberi, sed ad collapsum tabe nimia macieq; corpus restituendum, cum in victus ratione præscribatur. Unde præterea clarè innotescit, Galenum in exhibendo lacte asinino, studiosè nō spectasse humorem serosum. quippe minimè oportunum ad nutriendum refi-

ciendumq; emaciatum corpus. Ergo non exhibetur asininum lac, quod serosius est, quia sero opus sit. Cur igitur? primò quia magis frigidum humidumq; deinde quia minimè omnium in ventriculo cogitur, & concrefcit. adeò enim pertimescit coactionem Galenus, vt mel, ceteroqui infensissimum heclicis hostem, lacti miscendum præcipiat.

Alterum velim probè teneas; serosius lac oportunius esse, quia frigidius humidiusq; (ad tuam non ad Galeni mentem nunc loquor) ergo formalis ratio, vt *περιτρεφτικῶς* loquar, cur præferatur, humiditas est & frigiditas. Itaq; licet ita quidem ratiocinari, Serosius lac heclicis magis commodum (vtpote magis frigidum humidumq;) ergo frigiditas & humiditas magis commoda. Non verò ita Serosius lac oportunius est, ergo serum oportunius. Iam verò si ne modò quidem me, qui obijcit, audire velit, a meorum asperitate obscuritateq; verborum in eius oscitantiam culpam deriuabo; & iurè deriuabo, cum hæc mea nō sint aut

Teucrium Pacuuij; aut *περιτρεφτικῶς*

*An Serum alijs febribus præsertim acutis
 utile? E' μίγξιμα: posatum Serum An
 nitrosius Euadat? Conciliatori, &
 Matb. de Grad. Expensa loca.*

C A P. XIII.

Hippocrates ne lac quidem in febrī ardēte recusat adhibere. Galenus serum apertè commendat, tanquam innoxium, imò omnino vtile ac salutare, nullum in eo vitium perspicuens, quò nos afficere pussit. Quæ verò tu conspicerē videris, neglecta fuerunt ab eis tanquam innoxia. Neque necessitate coacti, vt videris obijcere, hoc est, mitiorum medicamentorum inopia lac aut serum vsurparunt, quia non pauca æquè leuia habuerunt ad purgandum medicamenta & idonea, & innoxia, mercurialem, epithimum, maluam, betam, brassicam, aloen, cartamum cetera.

De nidore, quod addis, aciditate, & corruptione facis parum aptè: nam in

stomacho aut bile referto, aut æstuante præ calore nimio, aut alio non mediocri vitio laborante id fortasse accidet. Quòd si nullo ex his malo stomachus affectus sit, vt sæpe solet in febribus, in his certè commodum erit serum, opportunum, salutare. Quinimo cum Hippocrates in pulmonis erysipelatoso affectu, cum acuta febre coniuncto, in æstu nimirum vniuersi corporis, ad lac, ne dum ad serum, confugit, quo tantum restinguat ardorem; &, si opus fuerit, effrenatam bilem compescat, excaudentem demulciat, noxiam euacuet: non est, cur tu in mitioribus morbis, in lenioribus febribus illud dānes, & improbes. Times aciditatem & flatum. Facilè timorem, si patieris, tibi absterget Hippocrates, qui lac exhibet acidum eructanti, ac vomenti, ventre murmure ac torminibus dolenti, vt videre est 2. de Mor. de Int. Aff. alibi.

Sed quid multis opus est? Mesues commendat serum in febribus a bile putridis. Hippocrates idem adhibet in tertiana duplici, quotidiana ab eo dicta

(nam

(nam Hippocratis quotidiana Galeni duplex tertiana est (duruisculum id, difficileq; creditu videbitur ei , qui, Galeno mancipatus, Hippocrati salutem dixerit). Neque video, cur damnari aut possit, aut debeat serum in febribus, cum frigore febrilem calorem restinguat, detersione obstructiones aperiat, purgandi facultate humorem noxium euacuet. Ceterum, Roderice, admirer hic, necesse est, tuam *αντιλογίαν*. Quibus in febribus Hippocrates & Galenus utile serum esse profitetur, in iisdem tu inutile noxiumq; prædicas. In quibus illi aut idem comprobant apertè, aut subobscurè renuunt, tu id maximè probas, apertisq; verbis commendas. In hectica febre neque Galenus unquam, neque Hippocrates serum laudavit: tu in eadem summis illud laudibus extollis. In alijs febribus non paucis iisdemmet sero utuntur: tu noxium idem, perniciosumq; declaras. Profectò ne *Aristoteles* quidem tam insensè *Isocrati* amulo aduersatus est, quàm tu Hippocrati Galenoque præceptorì.

lib. 2. de
Mor.
lib. de
Nat. Hom.
127.

Cic. in
Orat.
Cic. 3. de
Orat.

Iam verò ab Hippocratico ad hermeticum forum litem transfers . accusas Obicium postulatione apud Chymicos delata. distillatum ab Obicio serum empyreuma adeptum esse contendis , hoc est, calidas quasdam acresq; qualitates, igneasue particulas: quasi proprium distillationis sit, partes indere calidiores. Ceterù cōtētus esse potuisses cucumeris aqua, nymphaeæ, lactucæ, quas nullum ex distillatione acquirere empyreuma, tam certum est, quàm quod maximè . Imò scias velim empyreuma nasci ex valido igne, ex diuturna ad ignem mora, ex materia, quæ stillatur, conditione, ex modo rationeq; distillandi . Etenim si rem quampiam succiorem calidiorēq; nudo validoq; igni, diuturno tempore committas ; certè ignis vi nullo humore temperati, diuturna mora, materiae conditione calidæ quædam huic exhalationes aut qualitates adnascuntur quibus calidior acriorq; reddatur . Vnde in quintâ sulphuris essentiã, antimonij, vitrioli ex valido igne ac diuturno, modo distillandi &c. empyreumã inseritur. In

ijs verò, quæ blando moderatoq; igni, nempe vaporario instrumento temperato, distillanda committuntur, nullum empyreuma nasci potest. si enim balneo maris, vt vocant, serum alium ve humorem distilles, nullum planè empyreuma his impertieris. nam paulatim ac blandè sursum repunt tenuiores partes, subsidentibus crassioribus nulla ignis vi adustis aut salitis. Hinc est, quòd coagulum magis reformidandum sit, quàm chymica distillatio. nam certo certius scimus, coagulum (præsertim caprinū) si misceamus lacti, seroque calorem adiungere: nitrosas verò partes si per distillationem subripiamus, calorem adimere.

Ceterum video te, quasi *extrito puluere*, iterum in Obicium ingruere. *Σὺν δὸστ*, vt ait Aristophanes, *οὐκ ἀσπίδι*, Conciliatore nimirum & Matheo de Grad. qui asserunt potatum serum ex interno corporis calore calidiorem quendam ac nitrosiorem induere qualitatem. Ex quo tu multò magis inquis induet ex destillatione. Hac in re non ter-

giuerſabor, non effugiam vim, ſi quæ eſt; argumenti tui: *Et*, rata ſint, omnino firma, quæ infirmè a Conciliatore mutuaris. An proinde putas, nos ijs oppugnare? putas expugnare? Ne ſim, ſi eminus, ne dum cominus nobiſcum pugnas. *Lactis aquam in penetratione uſque ad pulmonem & pectus recipere a membris noſtris quandam qualitatem nitroſam merito ſue paſſibilitatis.* Hæc de non ſtillato ſero ſcripta ſunt a Conciliatore, vel potius de non ſtillando, non verò de ſtillato. nam hoc aliter ſeſe habet. Vulgare ſerum ideò adipiſceretur a calore noſtro nitroſitatem, quia aptum id, accomodatum, ac ſymbolum. Quod enim nitroſum eſt, nitrum ve non exiit nitroſius facilè euadit, *Merito ſue paſſibilitatis, & aptitudinis.* Diſtillandum verò ſerum, cum nitrum deponat, ſymboleitatem (faſ ſit loqui) amittat neceſſe eſt, atque adeo *Paſſibilitatem.*

Iam verò qui tantum Conciliatori tribuendum exiſtimant (neque enim eorum ſententia mihi probatur) vt rata, quæ de ſero ab eo ſcripta ſunt, eſſe ve-
lint

lint, mihi declarent, quomodo calorem nostrum sero nitrum tribuat & unde huiusmodi uis caloris natiua? aut si huiusmodi, unde eam norunt? unde expiscati sunt? An quispiam *Curator viae Appiae*, qui *Annaeo Senecae* quid ageretur in celo euulgauit: an *Menippus* aliquis, qui *Luciano* Deorum secreta palam fecit, ijs illam aperuit? *Vult sibi quisque credi*. Laudo; sed tamen neque hos, neque *Conciliatorem Medicorum Pythagoram* esse concedo.

Strada
Prolog. in
Momo.

Liuius
1. 23.

Serum sereno aëri commissum An Efflet, emittatq; calidiores partes. Multa de Expressione, frigido aëre, vino argente.

CAPVT XI.

AQVA & igni interdici Obicio, a Medicorum vniuersitate eum exfulare iubes, quasi *Maeftatis* crimen patrauerit serum, afferens, vt exuat calidiores partes *Chymicorum officinae*, de-

destillationi committendum. Longè aliter, inquis, apud præstantissimos medicos in more positum est. Non igni, vt Obicius, sed frigori serenoq; aëri serum, vt calidas emittat partes concredere consueuerunt: nam ambientis frigoris vi abeunt calidæ seri partes per expressionem extrusæ. Ceterùm vix fieri posse arbitror, vt tenues euolent e sero partes vndiquè frigore obistente. Immo in trorsum compellantur, occludantur densentur, exituq; clausis poris prohibeantur, necesse est. Opportunius ergo meo quidè iudicio calidiusculo aëri serū committes, vt tenues eius partes euolent. nā calore rarefacta substantia faciliùs nullo prohibente euolare possunt. Accedit, quod Galenus (experimento id comprobante) lac faciliùs æstate, quàm hieme, hoc est, calido, quàm frigido aëre in acidum verti apertè profitetur. Acciscit autem, vt ais, tenuioribus partibus expirantibus.

Sed de expressione, siquidem ansam præbes, qua e sero tenues atque, vt ais, calidæ partes expirant, tecum paulò accura-

curatiùs differere, consilium est. De hac
 ira sentio. Cum aliquod humore madi-
 dum, a frigore obuallatur, alterum ex
 his accedat, necesse est: vel ut ipsum in-
 sefocogat, ab inimico frigore refugiens,
 vel ut frigus obuallet, obsideat, circun-
 detq; illud, & obstringat. Quouis modo
 id fiat, facilè exprimitur inde humor ela-
 biturque. Sed ne putes, meum id esse
 aut commentum aut somnium, audi Hip-
 pocratem de Locis in Homine, *Fluxio-
 nes fiunt & perfrigerata valde carne, &
 excalēfacta. Fluxiones propter frigus
 fiunt, cum caro in capite, aut vena tensa
 fuerint. hæc enim horrente carne & ad
 angustias perueniente adstrictaq; & ex-
 cludente humiditatem exprimunt & si-
 mul carnes ipsæ exprimunt. Cum igitur
 ita sese habeat expressio, velim ipse mihi
 declares, quanam ratione ab ambiente
 frigido, possint e sero exprimi tuæ illæ
 tenuēs partes? In capite, aut non absimi-
 li parte facilè id fiet: cum hoc humore
 plenum, a frigidoq; ambiente coarcta-
 tum introrsum humorem cogat expri-
 matq; necessariò. At serum a nocturno*

frigore alioque obuallatum, vnde nam,
 quare ratione tuas illas exprimet te-
 nues partes? Ex ore vasis? Minimè gen-
 tium. Frigidum enim circumstans & oc-
 cludit meatus porosque, & introrsum
 tenuiores partes compellit. Non ergo
 elabi possunt exprimique vndique obli-
 stente frigore.

Neque dicas, vinum efflare spiritus
 & euanescere, sereno frigidoque aëri cõ-
 missum: primò, quia longè facilius ef-
 flantur tepido, quàm frigidiusculo aut
 sereno aëre. Meminisse debes, quæ supe-
 rius ex Galeno diximus de lacte ac pitu-
 fana, facilius æstiuo, quàm hiberno tem-
 pore acescentibus: atque adeò *frigidius-
 culis ædibus, vt aiutius seruentur, opus
 habentibus*. . Secundò, quia vini spiritus
 adeò subtiles sunt adeò tenues, vt non
 nisi vi quadam in humore suo cohiberi
 posse videantur. proprio enim impulsu
 promptè euolant, nisi probè cohibean-
 tur. Frigus autem tantum abest, vt
 eos exprimat omnino extrudatq; vt in-
 trorsum potius compellat & occludat.
 Argumento est vinum niue refrigeratū
 cuius

cuius spiritus ita coarctati sunt ac retusi, ut gustatui non ita sese promant, atque dum niue non algent. Non esse autem abolitos nivalis frigoris iniuria, sed verè coarctatos, interiusq; cōpulsos & obtusos, ex eo liquet, quod non secus caput petat inebrietq; vinum niue algens, ac dum nullo riget frigore. Non euolant ergo vini spiritus frigore expressi, sed introrsum coarctati latitabant.

Illud tamen verissimum est, a maximo gelidissimo, ac perpetuo frigore quandoq; fieri expressionem, ut accidit in frigida distillatione: nimirum efficaciorè tum frigore ad exprimendum, quàm ad occludendum.

De vino illud addo, ex eo algente nusquam videas subsultare atomos, a spiritu vi sursum pulsos, ut e vino nō algente: nimirum quia a niue & spiritus coarctati sunt interiùs, & occlusi meatus, densataque substantia. Ridebis hæc non secus atque in diuitijs Crasiteruncij accessionem. Sinam, cum probè nouerim, Non omnia eadem equè omnibus suauia esse: nec louem ipsum

Cic. 3. de Fin.

Plaut.

Afinar.

a. 3. s. 3.

Teong. in Sent.

Symma-
chos.

omnibus placere; sed satis esse, placere
melioribus.

Rursus stillatum: serum, Aqua, Empy-
reuma, serum stillatum An.

serum verè serum?

C A P. XV.

VIGOR haustus Latium, si ce-
tera Martis adiu-
menta forent.

Silius lib.
6. de
Hannib.

Planè contriuites Obicium, funditus
deleuiffes, si vis respondisset animo; re-
spondisset auso. Conatur Obicium di-
luere, quæ contra seri distillationem
afferri possunt; & empyreuma infirmare
conatur exemplo destillatæ lactuæ;
nymphææ, cucumeris; quæ in alembico
calorem nullum, nullum empyreuma
adipiscuntur. Acriter instas aduersus
hæc, vanam futilemque esse dicitans
comparationem seri cum nymphææ: cum
hæc quanta quanta est, frigida sit: serum
verò non exiguam habeat caloris par-
tem. Quare hoc non, vt illa, post distilla-
tionem

tionem in eadem frigidis conditione
 perseverabit, sed paullo calidius, quam
 antea, euadet. Sed hæc tua ratio *Lari seu* Aristophanis in expres.
Cepphi parturientis similis est. Intelliges
 id profectò, si, tãtis per se posita nymphæa,
 lactuca, cucumere, cichorium destilles,
 rosam, opium, cetera, quæ licet frigida
 sint, partes tamen calidas, vt tuum no-
 strumq; serum, aliquas habent. Aquæ ex
 his extractæ sunt ne calidæ? Deposuerunt
 profectò calorem in alembico, cum de-
 posuerint eas partes, in quibus inerat
 amaritudo. Idem de sero senties. Exiit
 & hoc eas partes, quibus hærebat ama-
 ror, seu potius falsedo. Gusta, nisi credas,
 stillatum serum, gusta non stillatum. non
 quidem Anaxagoræ imbutus opinione,
 qui, vt auctor est Cicero, sensuum iudi-
 cium negabat; sed peripatetica veraque
 philosophia, quæ sensibus summam fi-
 dem tribuit.

Cic. 4
 Academ

¶ Iam verò alio stipatus argumento ite-
 rum petis Obiciũ. Serum, inquis, si cali-
 das acresq; destillatione amisit partes,
 pura erit aqua, nulla vi, nulla præditum
 virtute. Hanc rationem, quam docti qui-

H

dam,

dam, & sanè docti viri quasi *ex tripode dictam* existimant: ego (liberè loquar) L: notodus τὸ Δίονος γένυ refellendā puto. Sed vt argumentum argumēto conuincam, bettonicæ aquā oppono, endiuix, eiusue radicis cichorei ceterorū huiusmodi. Nōne horum distillatæ aquæ exuerunt saporem ferè omnem odorem, si qui erat, amaroremque? Sensu iudice exuerunt. Ergo hæ puræ sunt aquæ? Apage. Tu sanè alijs omnino de causis aqua bettonicæ & endiuix, atque pura puta vteris.

Sed accuratiùs hic inquirendum, An stillatum serum serum sit, verè serum. Duplex sit argumentatio: altera aduersus te, sero nitrum eripientem, altera aduersus eos, qui vel vberrimum sero nitrum impertiuntur,

Te vt refellam, non est, cur admodum laborem. nam distillatione, vt ais, caseosæ tantùm partes separantur. quod enim subidet, caseosæ, inquis, sunt mistæ sero partes. non ergo serum. quicquid ergo sursum euolat, serum est. Cauillaberis fortasse hæc, inquis, neque id serum esse, sed humorem, a sero natum, a sero

omnino diuersum. Quæro liquor hic est
ne nouum mistum, nuper natum distilla-
tionis vi : an idem, quod prius, purius
tamen, atque subtilius tenuiusque ? Pri-
mum caue asseras,

*Vulneri uti ne quis vulnus tibi forsitan
addat*

Homer.
I. Iliad.

nam peruertes spagiricam artem, Her-
meticorum pharmaca funditus euerteres.
Si nouum est mistum, veteris corruptio-
nem præcessisse necesse est. ergo, priori-
bus abolitis qualitatibus, posteriores re-
center genitæ sunt. (nam agens sicuti
propriam nequit in subiectam sibi mate-
riam introducere formam, nisi qualitates
prius, tanquam prodromos, præmittat,
inseriratque penitus in eam; ita non po-
test eius formam labefacere, nisi prius
eiusdem qualitates deleuerit. Immo ve-
rò ut ijs dirutis, misti forma, totumque
mstum statim corrumpit, ita ijs stantibus,
fieri non potest, ut concidat forma, mi-
stumque diruatur). At scimus, easdemmet
permanere; sensu iudice, experimentoq;
teste scimus. Permanent, inquit: sed
e misto migrant in mistum, communis

subiecti beneficio. Mendosè . nã accidē-
 tiũ migratio & quasi saltus e misto in mi-
 stũ , ab altero in alterum subiectũ infen-
 sè aduersatur Peripateticorũ dogmati-
 bus. Qualitates, abolito misto, deletaque
 forma , earum seminario , penè omnes
 corruere & statim interire, vel ij norunt,
 qui a limine Lyceum salutarunt . Immo
 verò, si qualitates agentis vi deletæ non
 sunt, fieri non potest, vt deletum sit mi-
 stum ad resistendum propulsandamque
 actionem multò aptius multoque for-
 tius . Si feri qualitates distillatio non
 corrumpit, neque serum corrumpet : nã
 hoc non magis, quàm illæ, contrarium
 & inimicum est igni distillanti . Immo si
 hoc contrarium est, ijs intercedentibus
 maximè contrarium. Prætereã si nouum
 semper mistum distillatio generaret, idẽ
 ferè semper mistum generaret . Patet,
 quia idem semper est agens, eadem sem-
 per agentis vis, eadem semper qualita-
 tes ac dispositiones inducuntur in quod-
 libet, quod distillatur, subiectum. Neces-
 sariè igitur idem semper nascetur mi-
 stum .

Varietatem fortasse acceptam referes
mistorum varietati, quæ igni distillanti
committuntur. Caue: nam ignis si gene-
rat, ignem semper, aut ferè semper gene-
rat. Particularis hic causa est, non vni-
uersalis. Sol solus, aut ferè solus varia-
gignit, herbas, plantas, raras, mures, ce-
tera huiusmodi. Accedit, quòd si distil-
lata res noua soboles esset nouusq; effe-
ctus ignis distillantis, sanè sexcentiès in
die effectum sua causa nobiliorem præ-
stantioremq; , admirante atque stupe-
scente natura, Spagyrica generaret. Si-
cut enim tritum in Licæo, & in Acade-
mia est, vnumquodq; mistum igne præ-
stantius ac nobilius esse; ita effectum
causa nobiliorem, inauditum est, mini-
mè consentaneum ac planè absurdum.

Neque ignis ex accidente agentis
diuersitatem effectuum sobolem esse di-
cas: quia quod non per se, sed ex acci-
dente fit, non semper fit, sed aliquando,
ex accidente. At varietas hæc nunquam
ex distillante igne non nascitur. ergo
non ex accidente, sed per se nascitur.
Itaque affirmemus vtique necesse est,

ignem distillantem non corrumpere
prius mistum, non generare posterius
sed mundius illud reddere, purius, con-
cinnius lordibus sc̄cibusq; absterfis.

Hæc accuratius mihi perpendenti,
ignemq; distillantem mecum ipse repu-
tanti misera videbatur huius conditio:
& quasi summa illa maximaque, qua
veluti omnium agentium Rex ceteris
longè præstat, vi & facultate spoliatus,
a communiq; ablegatus agentium cætu,
nō secus ac *Δουρίσιος ἐν κορίνθω*, exfulare vi-
debatur. Etenim vel infirmū effœtumq;
agens, ineptam tractans materiam, sibiq;
acriter resistentem, tandem aliquando,
sibi similem gignit effectum, aut non ab-
similem inde sibi concinnat. Quemad-
modum enim quæ nulla inter se cogna-
tione, analogiaq; naturæ consociata
sunt, perenni actione mutuò sese afficiūt,
& alterum relinquit in altero notam
actionis impræssam:

Cic. A&. 1.9.ep.11

Ouid, 4. de Ponto.

*Gutta cauat lapidem, consumitur annu-
lus usu.*

Et teritur pressa vomer aduncus humo.

Ita in ijs, quæ analogia inter se pro-

por-

portioneq; respondent, commutarique inuicem possunt, alterum superatur ab altero, in eiusq; naturam transmutatur. *Vnumquodque enim agens ideo agit, ut passum sibi assimilet.* Ignis maximè omnium agendi vi pollens, minimè omnium finem, agentibus propositum, si distillando produceret e distillata re nouum mistum, assequeretur. Nam huic distillanti vel si aptissimam committas materiam (sulphur) nunquam tamen videas, quod distillatum est, ignis formam induisse. Persistamus quæso in sulphure: nam hoc vel obstinato persuadebit, distillatione non interire vetus mistum, nouum non exoriri. Occlude sulphur in vas distillatorium, ignis vi committe eo consilio, vt flores inde colligas, tenuiores nempe & puriores eius partes, vt e ceteris distillatione solet. Ignis profectò tibi cudet non mistum aliquod a sulphure diuersum, sed ipsummet purius atque concinnius, omni ferè exutum fæce.

Blaterabit fortasse quispiam peruicax flores sulphuris non esse sulphur, verum sulphur. Latentes rerum formæ non nisi

proprijs se nobis promunt accedentibus
 proprijsue effectibus. Sulphur distillatū
 (hoc est ignis vi, Chymicorumq; officina
 concreditum) eodem, quo non stillatum,
 sapore præditū est, eodemq; colore,
 virtute planè eadē naturaque. Nā ignē
 concipit ardetq; eodem, quo antea, imò
 faciliori modo: exsiccat, calfacit, scabiei
 medetur & lepræ; formicas, culicesque
 arcet, atque interimit; omniaq; ferè præ-
 stat, quæ a non stillato (sublimato veriùs
 dixerim) præstari solent: ea tantū si ex-
 cipias, quæ a tenuitate prohibentur. nam
 aquis immersum multis sæculis, vt soli-
 dum, non perseverabit integrum. Itaque
 sublimatum sulphur sulphur est numeris
 omnibus absolutum: imò magis absolu-
 tum perfectumque. Quòd si, aut tanquā
 fetidi & graueolentis, sulphuris verita-
 tem odorari graueris, aut *Naso suspendas*
adunco: velim vt Mercurium saltem at-
 tendas. Coagula, sublima, præcipita,
 alio quouis huiusmodi modo igne tra-
 cta hoc minerale, nunquam tamen Mer-
 curium abolebis, numquam eius formā
 labefacies. Nam sicuti Mercurius Her-

mes etiãsi varias induat formas & personas, musici, mercatoris, furis, nunciij, lanifici, cytharedi, solis, zephiri, aëris, veris &c. semper tamen Mercurius est, coeli nempe, ac Diei filius. Ita Mercurius Mineralis, cui hac potissimum de causa nomen conuenit, & si redactus sit in puluerem, in humorem, in aliam ferè quamlibet formam aut per præcipationem, ut loquuntur, aut per coagulationem, sublimationem, &c. semper tamen propriam tuetur naturam, insitamq; a natura formam. nam etiam ex præcipitato, sublimatoue in pristinam argenti viui formam redigitur. Patet itaque apertissimè, ignem distillantem rem distillatam non corrumpere.

At verò, his non contentus, adhuc instabis, ignem, inquit, penitus mistū destructurū, suamq; in illud inditurū formā, si tam diu agat, quoad suas omnes exerat vires. Nos verò præpopere nimis distillatam materiam igni subripere, nec finire, hunc in eam qualitates omnes ac dispositiones inserere. An hoc artis officium est, & ex arte circa chymiam versari?

sari? Profectò chymici officium ac finis est, vt populariter loquar, *Distillare*: hoc est, tamdiu materiam igni concredere, dum eam perfectè elaboret. Quòd si ille, in arte quasi luxurians, vltius progrediatur, verendum est, ne extra huius fines egressus licentiùs erret, intra eos verò coërcitus rarò corrumpet, rarò generabit. idque non nisi cum *calcinare*, *urere*, *cinefacere*, vel quid simile præstare studet. Immo verò an tunc verè corrumpat mistum, aboleatq; misti formã, apud me satis exploratum non est. vt enim peruicaciùs id non negarem, ita imprudens & incautus non concederè. Mercurius præcipitatus (præcipitatio enim calcinationis species est) cornu cerui vstũ, & similia negotium maximè faceffunt. Nam, vt Maufetus & doctissimus Guntherus ait, *vigesies ille sublimateus, coagulatus, præcipitatus ac pænè fixus, iterum recrudescit in argentum viuum, cum exigua aut ponderis, aut substantiæ suæ iactura*. Quarè etiamsi res distillata varias multiplicsq; alterationes subeat, calefactionem, rarefa-

ctio-

Epist. Medic. iib 3;
 Obser.
 Chym. li. 1
 cap. 13.
 Sennertus
 de Nat.
 Chym.

ctionem, attenuationem, solutionem in
vaporem, concretionem, &c. nunquam
tamen eò labefit, vt omninò intereat,
vim naturamque, seu, vt loquuntur, pro-
priam essentiam substantialemq; formã
amittat. hæc enim ab ignis distillantis
iniuria omnino integra, eius actionem
illudit. ac proinde incolumis ac solida
in prima illa rerum materia latet.

Sed hac in re nimius esse cogor. non
solum enim tecum, Roderice, sed cum
vtriusq; nostrum docto, bono, ac veteri
amico amanter mihi res est. Illud itaque
aueo, imò gestio scire, quorsum conatus
chymici? quò dirigantur cogitationes
omnes, sedulæ ac laboriosæ spagyrico-
rũ actiones? Mehercule non aliò, quàm
eò, vt formam rerum substantialem, e
qua tanquam e fonte qualitates ac misti
proprietates fluunt, a terrestrioribus su-
biecti partibus, non secus ac a fecibus &
purgamentis emundent. Et quinta illa
adeò celebris & inculcata Chymicorum
essentia quid aliud est, quàm optimè de-
puratum mistum, hoc est, misti forma in
materia, a cenosis vindicata partibus,
niti-

nitidè splendideq; infidens? Siue, vt cum magno Sennerto loquar, quàm spiritus ille insitus humidumq; radicale sua forma instructum? Depurationem anhelant Chymici, non corruptionem. Mistum sibi officinæq; concreditum, non labefactum, non corruptum, non forma spoliatum; sed integrum, incolume, sua forma, ab impuritatibus vindicata præditum; propria vi virtuteq; quasi ab excrementis non coërcita munitum, promunt nobisq; exhibent. in quo sanè forma, natura, vis, *ἡντελέχεια* elucet multò maximè.

Sed vt propiùs ad ferum distillatum reuertamur, vtq; rarefactionis vim, attenuationis, in vaporem solutionis, concretionis, aliarumq; mutationum enucleatiùs examinemus, aquam communem ac vulgarem distillari cupio (siue purum elementum, siue, quod vero similius est, mista ea sit) atque scire, quod nã sit, quod distillatũ est, quodq; iam ascēdit: an nouum aliquod, an potius idem, quod prius? An aqua sit, an quippiam aliud? Profectò vtraq; aqua est, nec vnquam aqua non fuit, etiam si sexcentas

perpeffa esset alterationes, sexcētās mutā
 tiones. Sed aqua maris distillata aptiūs
 sero quadrat. Hanc quis dubitat esse
 aquam? nec specie ab aqua differre? At
 quemadmodum hæc mare est sine sale,
 ita stillatum serum serum erit sine nitro.

At verò video, te a meis victum ar-
 gumentis quasi *Talaria induere*, vt fuga
 salutem petas. Mane, hìc adesto, & audi,
 quæ contra collegas tuos nunc promo.
 Vides, iam in secundam me irrepisse ar-
 gumentationem, eos nimirum oppu-
 gnare, qui nitrum sero tribuentes; il-
 ludq; ex hoc distillatione separari posse
 autumantes, negant tamen distillatum
 serum serum esse: quippe cum ex dua-
 bus hoc substantijs constet, aquea sal-
 tem ac nitrosa, si dissoluatur per distil-
 lationem, abeat in elementa partesque,
 ex quibus conflatum est, aquam, nitrum.
 Hoc superiùs a me scripta labefaciunt,
 labefaciunt & hæc. Acetum stillatum,
 acetum est: omnino: gustatus iudex esto,
 aduersarij gustatus. Prætereà scire vel-
 lem, num rhabarbarum, ex hermetico-
 rum officina prodiens, rhabarbarum sit?

Cie. Att.
 14. 23.

Certè si molem externamq; formam quis spectet, rhabarbarum esse idiotarum more negabit. abijt enim in speciem externam formamq; diuersam. At si vim virtutemque, omnino rhabarbarum esse fatebitur: cum purget bilem, vt antea, imò validius faciliusq; purget, eodem sapore, odore, virtuteq; præditum. At exuit plurimas sui partes: exuit, sed non exuit essentiam, naturã, formamque.

Horat. ad
Ottau.

Sed inuenior Parthis mendacior.

pollicitus eram, te præterito, alios meis petere argumentis. Sed cæcus Mars est inita pugna. quemcumque obuiam oppugnavi.

Hermetica artis antiquitas, An Priscis Hippocrati, Galeno, Aristoteli cognita? quomodò cognita.

C A P V T X V I.

DISPVTAS contra aduersariũ tuum de Chymicæ artis natali. In iuria. Nam nullus vnquam medicorum

con-

contendet, hanc quasi nuper natam adhuc vagire in incunabilis. Etenim vel qui Spagyricorum scholas a limine salutarunt, eos de antiquitate huius artis sese iactantes audierunt. Et quidem apud Arabes in usu Chymiam fuisse positam, liquet apud Geberum, Rasem, Avicennam, Mesuem, Albiccasium, Serapionem: quorum scripta qui non legit, is tantum ignorat, eos Chymicam tenuisse artem. Quinimmo floruit hæc facultas nongentis propè annis ante hos Arabes, Theodosij Imperatoris ætate, Heliodoro, si credimus Cedreno, de Chrysopeia, scribente. Et Iulius Firmicus tempore Flauij Constantini circa annum Christi CCCXX. hermeticæ cultores non paucos fuisse memoriæ prodidit. Imò quinquaginta circiter annos ante Constantini Imperium Diocletiano Domino apud Aegyptios floruisse Chymiam, prodiū est a Suida. nam Diocletiani mandato conquisitos fuisse ait Chymicos omnes libros igniq; traditos, nempe vt ne iterum confecto auro rebellarēt Aegyptij. Quinimo & apud Caium Principem;

Paullo Diacono in Diocletiano. no. Orofio li. 7 cap. 16.

120
LXXV) ITCUS EXCIVII.
Diocletiano CCCL. annis natu maio-
rem, perfectæ numerisq; omnibus abso-
lutæ Chymix præstantissimas quasque
eluxisse operationes, auctor est Plin. Ex
auripigmento enim confectum esse au-
rum eo Domino scriptum reliquit li. 33.
cap. 4. Adhuc antiquiorem, imò longè
antiquissimam esse prodidit hic idem
auctor. nam aureum vellus, ad quod re-
petendum argonautica expeditio fa-
cta a Iasone fuit circa annum mundi
CICICICCC. ante Diocletiani domi-
tionē CIOIOXXX. ann. nihil aliud fuisse
ait, quàm librum, vbi ars conficiendi au-
ri traderetur. Quinimò CCC. propè an-
nos ante hos Heröes Herculem, Orpheü,
Argum, Castorem, Pollucem, Iasonem
apud Hebræos claruisse Chymiam, atq;
adeò mulieribus notam, sunt qui tra-
dunt. Non solùm enim eo tempore Mo-
sem (quem auctorem pleriq; existimant
huius artis) excoluisse ferunt spagyricas
sed etiam Mariam eius sororem artis
fuisse peritissimam. Casaubonus auctor
est, Parisijs in Bibliotheca Regia huius
feminx de Chymia conscriptum librũ

asseruari. Sed hæc Andreas Eudæmon
 Ioannes viderit. Maiorem natu, imò na-
 tu maximam, & vt dicitur, *Antiquiorem,*
quam Chaos & saturnalia tempora, sunt
 qui esse existiment hanc artem. Non so-
 lum enim ad Hermetem (vnde Hermeti-
 cæ nomen) Trismegistum, Mercurij ne-
 potem, referunt artis originem; sed ad
 ipsum Adamum, humani generis princi-
 pem & seminarium.

Itaque vt hæc nota sunt etiam ijs, qui
 primoribus modò labris Hermeticam
 degustarunt: ita apud me centum est,
 omnino rudem priscis illis temporibus,
 incultamq; fuisse. Nullam artem videas
 statim natam, statim adultam. nam sicuti
 magna vi hominum industriaq; nascun-
 tur artes, ita sensim adolefcunt perenni
 cultura, summa diligentia, solertiaque
 diuturna. Quarè vt verisimile est, notam
 fuisse Chymiam tum Hippocrati, tum
 Galeno (nam viros *πρωγενεσιαιτων* igno-
 rasse artem ijs ætatibus non obscuram,
 vix credi potest) ita rudem eo tempore
 incultamq; fuisse, æquè verisimile est.
 Non enim puto apud eos, vt apud nos

vel in vsu, vel frequenti in vsu positam, fuisse artem distillandi aquas, herbas, flores, radices, aes, aurum, argentum, fossilia omnia, lapides ipsos, ipsum coelum, si coeli frustulum subripi posset: (nam *Huc---mortalis progesta potentia cura*) Etenim apud Galenum suboscuro, etiam si Lynceus esse, Alchymiae artis vestigium aduertes. Locus tamen est 1. Simpl. 18. vnde aut artis rudimentum, aut rudimenti desiderium sese promit, de aceto loquens haec habet: *Atque ego sanè non multum abest, quin illorum laudem sententiam, in eamq; promptly accedam: proque hac assertionem atque opinione pericula omnia subeam si quam Machinam aut Artem inuenire possem, sicut in lacte, contrariarum partium separationis; ita hic quoque. Nunc autem quod lac non sit bomæomeres & simile, neque vndequaue sibi idem, clare monstrat eius coagutatio, excogitata videlicet multis hominibus ratione, qua partes caseose a serosis separari possint. Atque neque tale quid repertum in aceto est; neque manifesto demonstrare possis,*

Claudia
nus de
Sphæra
Arcaim,

quod quantum eius est tenue atque exacte humidum refrigeret. Quod verò secundum facis substantiam in ea deferatur, velut in vinis, calefaciat, nam ea solum ratione aperte quis probauerit ex contrarijs ipsum partibus consistere sicut lac. Obscurum, fateor, Alchymiaë artis vestigium: sed clarius aduertes 9. Simpl. vbi haud obscuram sublimationis, quæ nobilis est chymica operatio, mentio fit. Cadmiam enim non absimili modo, quo flores sulphuris, fieri docet. Etenim ex dissoluto calcinatoq; cupro aut pyrite sublimantur quædam partes, non secus atq; ex sulphuratis ollis fieri solet, quæ, vbi confederint, sensim concresecunt, vt sulphur in flores. Sed paulò post docens rationem conficiendi pompholygos ex minutis nempe cadmiaë fragmentis in ignem coniectis exceptisq; fuliginibus seu fauillis amplissimo vase recipiente, Camera nimirum incuruata & nusquã pertula; veræ sublimationis speciem ob oculos ponit. Apud Hippocratem verò apertius, si credimus Fabro, spagyriaë vestigium. nam 2. de Diæta de auro po-

In Myro-
rhecio spa-
gyrico.

tabili aliquam videtur suspensionem facere. *Aurum operantes tundunt, lauant, molli igne liquant, forti autem non conflatur: ubi verò elaborauerunt, ad omnia utuntur.* Quinimo & Aristoteles naturæ oculus artem videtur perspexisse, cum ait: *Ex nonnullis rebus vapor ab igne elicitur.* Neque enim verisimile est, summū philosophum contritam mulierculis rē, lippis notam his verbis designasse. Sed quid multis opus est? Democritus Abderita, Hippocratis Magister, Hermeticam scriptis illustravit. typis enim excussus legitur chymicus Democriti liber a Synefio & Pelagio non infimi census philosophis, Commentarijs illustratus. Ex quibus omnibus liquet, quàm bellè hallucinati sint Thomas Erastus, & Nicolaus Guibertus, qui cum Gebero Chymiam natam existimant. & Fallopius, qui Mahomectanæ sectæ eam esse coëuam opinatur. Mizaldus prætereā & Biringutius, qui Villanouano acceptā referentes 300. ab hinc ann. aut natā aut adultam profitentur. Sed hæc Chymici viderint. nobis præstat, *aliā excutere querçū.*

Roderici de Abdita Galeni Mente Diuinationo: An stillatum serum Humeri
 Elet ac refrigeret refrigeratur: Microcosmi
 & Macrocosmi.

CAP. XVII.

MAGNA mihi controuersi a hic tecum est, nec vilo componenda modo, quam Galeno ab inferis reuocato. Perscrutaris Galeni mentem; disputas, quid modò is ageret, si nobiscum degeret; num distillaret serum, si distillandi artem calleret. Sanè aliorum animum intimè speculari, nunquam mihi animus. nam
 Nō sum Augur, abdita scire vti queā palā
 Tu verò longe animosior fidenter in Galeni mentem peruadis, eiusq; non secus ac Ad Apollinis holmum cubueris, aut Vulcanus tibi vaticinatus esset, intima lustras penetralia. Sed attendamus hanc vaticinationem tuam: Galenus inquis,

Euripides
 in Hippol.

Aristo-
 phanes.
 Suida.

nō distillasset serum purgationis caussa, quia distillatione seiungitur, interitue ea pars, in qua, vt concedimus, maximè purgandi vis inest. Neque, inquis, caussa alterationis, quia *Si ad alterandum vel humectatione vel refrigeratione alterare vellet* (Galenus) *si humectatione, non erat conueniens substantiam distillatione subtilem reddere: quæ cito trāsiret, quippè ad humectandum tempus exigitur.* Galenus itaque ex eò non distillaret serum humectationis caussa, quòd humectatio non citò non continuò, sed tempore sumptoq; spatio fiat. At serum distillatū cum subtile sit ac tenue, statim præterlabitur, ne paululum quidem commoratum. Probe noui ex Peripatetica solidaq; philosophia, cuilibet actioni physicæ nō solum opus esse agentis vi, patientis, vt ita loquar, aptitudine, horumq; accommodata vicinia; sed etiam congruenti tempore mora que. Nulla enim actio (si generationem fortassis, aut coagulationem, illuminationemq; excipias.) statim fit, & vt loquuntur recentiores philosophi, in instanti; sed omnes tempore sum-

serum elabi & præterfluere.

Quinimò cum distillatum serum tenuius sit, humectabit faciliùs, faciliùs penetrans seseq; insinuans per omnes ferè partes. Certo certius scio, temet ad hoc, vt aqua magis humectet, acetum addere, quod eam attenuans & quasi lubriorem reddens longiùs deducat. Itaque serum distillatum multò, quàm antea, validius humectabit, multò longiùs ac latius.

Sed perpende, si lubet, siq; tibi est otium, stillatam lactucæ aquam, quæ veluti impetu quodam ingenito ad caput aduolat. Velim dicas mihi, num hæc stomachum humectet, humectet hepar, ventrem, ceteras, per quas præterfluit partes? Sanè, vt ingenuus id non dissimulabis. Itaque vt necliam ultima primis, Galenus vsurpasset serum (cogis me, quod nolebam, diuinare de Galeni mente) humectandi causa.

Videamus modò, num etiam causa frigefaciendi? Et hoc tu negas, causamq; negationis affers, quòd falsedo nõ separatur destillatione, sed augeatur potius

aut communicetur: vt patet ex Micro-
 colmi distillatione, quæ non rarò e capi-
 te fluit salsa. Tua est argumentatio, tua
 philosophia: quæ vt clariùs innotescat,
 tua ipsa verba, & si longiuscula, hìc ad-
 scribam. *Non ne membra nostra ita fa-
 bricauit natura, vt officinam chymicam
 representent? ita sanè, calor namque in-
 natus, destillationes cobobationes, & om-
 nem separandi artem molitur. Vis ne
 etiam, vt microcosmus macrocosmo, idest,
 mundus iste paruus mundo magno com-
 paretur? esto & destillationes, quæ fluunt
 e capite ex vaporibus illuc ascendentibus
 comparemus pluuiæ, comparemus etiam
 alembico: vtrumq; cum bonis actoribus
 faciemus. Quid inde? nonne destillatur
 multoties materia e capite salsa? maxi-
 me, & destillatio salsa a medicis dicitur.
 Iam verò hinc eadèti euadere possumus
 falsedinem non extrahi destillatione.
 Passienus rhetor, ait Seneca, pessimè
 exordiebatur, mediocriter narrabat, op-
 timè perorabat. Tu verò optimè exor-
 sus, mediocriter progressus, malè con-
 cludis. Existimas igitur, (quicquid sit de
 tua*

tua ratiocinatione) te omnino probare posse, stillatum serum non deponere in alembico calorem, sed eum potius adipisci: ac proinde exhibendum non esse ad refrigerandum; quòd distillatio e capite fluat falsa. Sed hic tu *Rosam cum anemone confers*: nihil dissimilius afferre poteras. longè alia est Microcosmi distillatio a Macrocosmi. Exploremus utramq; atque adeò mutuam, si quæ est, inter has cognationem exploremus: quodque proinde ex ambobus in rem præsentem deriuari possit.

Quod facit ad catarrhum, Caput rotundum & cauum tanquam cucurbita impositum est omni corpori: huiusque more humores trahit e stomacho, iecinore, liene, ceterisq; subiectis partibus: vel hæ partes vltro capiti impertiuntur humores vaporesque. Qui deinde vel suomet impetu in subiectas partes labuntur (de humoribus dictum volo, vel etiam de vaporibus frigoris vi in humores concretis) vel certè caput ijs laceffitum eosdem pellit fugatque. *Non enim moratur in capite quod influit, nisi caput simul*

Paracelsus
miog.

Hippoc.
lib. de
Gland.
ex. 5.

simul egrotet. Hac ratione se habet fluxio, cum *ὑδραδὴς* nascitur.

Quod verò facit, ad falsedinem, hæc fluenti (fluxuræ veriùs dixerim) inseritur materiæ vel in capite, cum scilicet morâ tenuiores eius partes a calore absumuntur: ac propterea crassiores quodammodò falsedinem contrahunt: haud absimili ratione, qua, vt aiunt nonnulli, maris aqua, vi caloris tenuioribus exhalatis partibus, concipit falluginem: vel certè (quod multos existimare video) eiusdem moræ occasione eadem materia aliquam subeat aut putredinem, aut speciem imaginemq; putredinis. At quouis modo id fiat, certum esse videtur, in capite gigni falsedinem: annuente etiam Hippocrate lib. de Locis in Homine 22. *Fluxio non est salsa, utpote non de cerebro.*

Iam verò si falsedo materiæ distillantæ inseratur in capite, inter microcosmi & macrocosmi distillationem nulla cognatio, nullaq; intercedit similitudo. Rem tute diligenter perpende, & iudex esto. Microcosmi distillatio non in capitulo,

zello, vt vocant, quod frigidum est, sed in vase, quod feruet calore, falsedinem adipiscitur. Microcosmi verò omnino e contra, in capite eam contrahit, etiam si infernæ partes algeant. Imò fluxio distillat falsa, etiam si caput ex infernis partibus, iecinore, stomacho, aliove non mutuetur materiam, sed eam ipsummet sibi gignat. Qua ratione quantum distet microcosmi distillatio a macrocosmi, perspicuè videt vel *Cumano stolidior, & Aeacidarum genere*. At verò si materia distillans falsedinem contraxerit non in capite, sed in iecinore, aliaue inferiori parte, altero ex his modis id contigisse necesse est: vel nimio hepatis incendio, vel humoris biliosi mistione (raturum sit, quod vulgò dicunt de bilis permistione) si bilis societate falsa euaserit distillans materia, expiscare, obsecro te, huius cum alembici distillatione cognationem aliquam, aut similitudinem. Etenim vel lippi vident, distillantem hanc materiam etiam si nunquam ascendisset, descendisset, distillasset, tamen falsam esse. non ergo ex distillatione falsedo nascitur. non

Cic. 2. de
Diuin.

ergo vlla intercedit similitudo inter mi-
crocosmi & macrocosmi distillationem.
Si verò calidius iecinoris intempera-
mentum falsuginem indat distillati ma-
teriæ: nempe tenuiores partes absumens
& exsiccans, cōtra nos tu incassum agis.
Nam sicuti hæc distillatio ex immodico
calore adipiscitur falsedinem (nam tem-
peratus iecinoris calor nunquam falsum
tibi promet humorem) ita alembici di-
stillatio falsa fiet, cum perperam, non ex
arte materia distillanda igni committi-
tur: cum hic nimius est, incongruus, adu-
rens. Præterquam quod enim tunc pro-
miscuè sursum feruntur tenues crassæq;
partes, nulla congrua separatione facta;
quæ remanent, adurantur, ne dum falsæ
fiant necesse est. Secus autem accidit, si
moderato igni distillandam committas.
paulatim enim ac blandè sursum repunt
tenues partes, moderata ignis vi affectæ,
subsidentibus crassioribus nulla ignis vi
adustis, aut salitis. Tu itaque ex arte, nō
perperam elaborata alembici distillatio-
ne nobiscum pugnare debes: siue micro-
cosmi distillationis similitudine macro-
cosmi

cosmi distillationem, non perperam, non
prepostere factam, sed ex arte, sciteque
a tuiq; simillimis elaboratam, falsam es-
se probare debes. Proba, si potes, mate-
riam congruenti moderatoq; igni com-
missam a perito artifice falsam euadere
Sanè vt e moderato iecinoris calore, ita
e congruenti calore alembici falsam
nunquam elicies distillationem.

Salam verò nisi hæc piguit attendisse,
illud prætereà intellexisti, quàm inane
sit alterum tuum argumentum, e sudore
accerditum. *Aliud, inquis; tibi exemplum
proferam, sudor fit etiam ex vaporibus
concretis, & sudor vt plurimum nitrosus
habet saporem.* Ab inferis excitare vide-
ris Empedoclem, qui tantum tribuit su-
dori falso, vt, ideò mare falsum esse, di-
xerit, quòd terræ sudor esset. Sed hæc
opinio, quippè figmentis Poëtarum affi-
nis, abeat a Lyceo, exulet ab Academia,
Illud autem monuerim: sicuti sudor, vel
te ipso confitente, non semper nitrosus
est, ita stillatum serum non semper ni-
trosus, nitro a distillatione accepto. Et
quemadmodum sudor tunc maximè ni-

trofus est, cum partes, vnde primò manat calore feruent; ita serum tunc nitrosum, cum vas, vnde sursum euolat, immoderato igne æstuat: hoc est, cum distillandi ars ab rudi ignaroq; Chymico malè accipitur. Sed de his dictum est satis. Ad tertium tuum argumentum accedamus. in quo sanè mihi videris Icaricum renouare. nam ab igne descendis in aquam maiori certè Icaro saltu. Nauigas oceanum, sed minùs tutò, imò periculosè. nam, resplantibus philosophiæ austris, periculum non mediocre est, ne ad scopulos allisa doctrinæ tuæ nauis, eius non mediocre facias naufragium. Sed spectemus hanc nauigationem tuam, quò cursum dirigat, quem portū teneat. Tandem, inquis, aquam maris non utiq; simplici destillatione dulcem efficies. Ex quibus concludis serum distillatione nō reddi mundius puriusq; non calidas, non falsas aut nitrosas partes exuere. Lusitanus es, hoc est, rei nauticæ peritissimus: esse profectò deberes, si Lusitanus. Qui longa minimèq; portuosa nauigatione suscepta haud rarò aquæ dulcis caritate labo-

laborant, quædam habent vasa, e nescio qua terra ligno ve constructa, quæ vacua obturataq; in mare demissa breui implentur: permeantibus nimirum in vas per cæcos meatus tenuioribus aque partibus, crassioribus ingressu prohibitis. Hoc, quod nostri temporis nautæ aut terreo aut ligneo vase præstant, e cæra confecto præstabat Aristoteles: Quæ per hæc vasa permeat, aqua dulcis omnino est palatoq; suavis. Quinimo eadē maris aqua decocta atque refrigerata, vsui est ad potandum: quia terreum partim subsidet, partim attenuatur. Accedit quod Elana lateribus appensa nauigiorum dulcis humor exprimitur; Et mare argilla percolarum amittit salsuginem. Sed hac in re consulendus est medicinæ & philosophiæ Dictator perpetuus. Lib. de Aëre Aqu. & Locis. 17 hæc habet, *Aquæ pluuiiales leuissimæ sunt ac dulcissimæ tenuissimæ ac splendidissimæ. Primum enim quod tenuissimum est & leuissimum in aqua, sol educit & sursum rapit. Clarum autem hoc ipsum mare facit, quod enim salsum est, istuc relinquitur:*

4. Me-
theor.
Arist. 23
Quæst.
fest.
Scalig. de
Subr.
Scalig.
ibid. 50

tur: quod verà tenue est, sol sursum rapit.

Hæc omnia si attendas, omnino & ingenuè fateberis, distillandam maris aquã simplici distillatione omnino dulcem euasuram. At quid multis opus est? Res ipsa loquitur, ipsa experientia. Distillata maris aqua simplici distillatione dulcis, hoc est, sale deposito, palato suavis euasit. Rem narro non *In Aphannis*, sed in celebri pharmacopœa Chymica apud Monachos Cisterciens. S. Pudentianæ per me ipsum, & nobilem Chymicum, pharmacopœæ præfectum elaboratam. imò & per accuratum ac celebrem Spagyricum Tobiam Aldinum.

Stephanus

Iam verò, Stephane Roderice, planè animaduerto, me quasi nouum construxisse *περὶ τὰ πλοῦν*. Sanè vellem potius *φιλανθρωπίαν*: quo bibito præeriti nostri dissidij aboleatur memoria, reconciliataque gratia *ἀλλήνοφίδας* ducamus dies.

Hæc habui, Triumviri Sapientissimi, quæ Stephano Roderico Castrensi cursim obiecta, volanti ad Vos, ne dum currenti calamo ex S. C. scriberem. Vos, quibus tanquam Aesculapio fatis com-

missa nostræ Reipub. salus creditaque est, vt hæc ad communem vtilitatem commodumq; referetis; ita peruelim, vt, si quando vrbaniuscule lusi, aut castigauī liberiūs, in deterioremem id nunquam accipiatis partem. Non enim eō me glorię cupiditas adegit, vt alieni nominis ruina ad amplitudinem splendoremque mihi viam sternerem. Valet Romæ Cal, Octob.

Ab Immodesta Vindicatio.

NVNQVAM putauī, tam modicos esse & angustos modestiæ fines. paululum eos patere latiūs, & existimaui semper, & existimationis specimen, cum sese mihi obtulit occasio, liberè dedi. Itaque, si quando hac in re peccare visus sum, sic habeto, non tam impudenti mihi id adscribendum, quam quid fastidiosis decere videatur, penitus ignorantī. Quinimo & illud eximit me ab omni culpa, exemplo id fecisse: exemplo, inquam, eorum omnium, qui huius generis

ris

ris scriptionem aggressi sunt, Scaligeri, Robortelli, Libauij, Aleandri, Rodij Cassani, Petauij, Augenij, Fuchsi, Clauij Triuerij, Salmasij, Riolani: immo religiosissimorum hominum ac modestissimorum Iesuitarum: quos aduersus Pescetium Veronensem scribentes, si omnino exigue & exiliter ad pudoris calculos reuocet, exuisse diceret; moderationem modestiamq; omnem. Nihil dicam de Signio, qui me iunior Robortellem senem tam malè accipere videtur, vt non sine admiratione isti fastidiosi *Emendationum Librum* legere possent. Nihil de Santorello Neapolitanæ Academiæ clarissimo lumine, e cuius libro contra Sanctæ cruc. si demas aquuleos & querelas, scheda, non volumen erit. Prætereo Neoterium illum Transalpinum, *δ'αύριον* qui ex ipse iuuenis aduersus quemdam senem medicum scribens, ita librum inscripsit *Deliramenta Emophebi*. Si inscriptio ipsa, quæ, vt *Domus Casaris non solum crimine, sed suspitione criminis vacare debet*, contumeliosa est, quid de scriptura existimandum? Missum facio.

Sueton,

Libauium, qui rudem, crassum, ignarum; ineptum, amentem, delirum, maniacum, appellat doctissimum Riolanum. Prætermitto Scaligerum, qui Cardanum audacem vocat, turbidum, lutulentum, inscium, ridiculum, inconstantem, ineptum, confusum, barbarum, stultum. Eiusdem doctrinam monstruosam, vacillantem, ignauam, inanem, absurdam, impiam, falsam, rudem, confusam, pessimam. Vnus Eudemon Ioannes, vir Iesuita, hoc est, multiplici scientia, vitæ integritate; optimis moribus, omni denique virtutum genere exornatus aduersus Casaubonum scribens, sectarium & hæreticum hominem, sui temporis doctissimum, existimatione apud litteratos, auctoritate apud sectarios, gratia apud Reges maximè pollentem; mihi sit instar omniū. Sanè, Lector, si eius *Refutationem* percurrens fastidiosos istos consulas, perpetuo hanc multabis exilio. Si verò eos, *quibus sanum est sinciput*

Nec-- ignorant, quid distent aera lupinis.

modestix cancellis circumscriptam existimabis. Illud tamen Lectorem moneo,

hæc

Plautus
In Mene.
chm.

a. 3. 5. 2.

Horatius.

hec non eò spectare, vt suo exemplo
meam scriptionem purgent. Nam in
meo Commentario nullas vnquam iniu-
rias, nullas planè contumelias, aut ob-
trectationes reperiēs: sed aliquos tan-
tùm iocos & facetias, imò potius ima-
gines eorum & vmbas. quæ non so-
lùm genus hoc scriptionis fert, patitur,
atque finit, sed necessariò etiam requi-
rit. Neque enim existimãdum est (quod
rude vulgus medicorum ineptè putat)
vnumquodque scribendi genus lauda-
tiones desiderare ac præconia: quia
sicuti, quoad styllum attinet, diuerso mo-
do historia scribitur, atque dialogus, di-
uerso epistola, atque oratio: ita apologe-
tica, criticaue scriptio diuersè texenda
est, atque alia scriptionum genera. Et
quemadmodum satyra styllum requirit
liberum atque solutum, vitia reprehen-
dentem, carpentem mores, in maledicta
interdùm, & ferè in obtrectationes pro-
num: ita etiam apologia, aliaque iocos
amant, vrbantates ac facetias: quibus
nempè aduersarij lepidè concinneque
refellatur opinio, propria comprobetur,

lib. 1. c. 1. p. 149
de Sero lactis
de Sero lactis
de Sero lactis
de Sero lactis
de Sero lactis

de Sero lactis
de Sero lactis

inleraturq; faciliùs in lectoris animum. Et sanè hac ratione, illud prætereà facile consequi possumus, vt scriptura magis magisque nitens ac splendens ex illiterato insulsoque stilo magnificè sese attollat. nam, vt magnus ille Scaliger dicere solebat, *Quemadmodum conuiuium mucro verborum est, ita iocus splendor ferri orationis.*

At verò nunc demum intelligo, quid obstrepant isti seueriores Aristarchi: non scriptionem vituperant, quæ, modestiæ finibus conclusa, omni vacat reprehensione: sed scriptorem accusant, ac mordent, quòd adhuc iuuenis senem reprehenderim. Plutarchus hac in re mihi adest patronus. *In sola sparta*, inquit in Laconicis, *expedit senescere.* nam, vt Lyfander apud Ciceronem ait, *Lacedemone solum est honestissimum senectutis domicilium.* Apud nos verò senilis ætas sicuti non accipitur vt hospes & aduena, ita non colitur vt numen. sicut enim minimè spernendam ducimus, ita minimè colendam tanquam numen aliquod sacrosanctum. Quinimo hac in re tales habemus,

Iul. Cr. di
 &u exrãt
 in Refuta
 tione Fa
 bulæ Bur
 donum.

In Catone
 Mai. re.

quos imitari possimus, quales per sanctè potius venerari, quàm aliquo pacto reprehendere debeamus. Romani, quos civili disciplina, morum vitæq; integritate, atque adeò præclarè honestèque factis suspicimus atque admiramur, eò sedulò incubuere omnes, vt adolescentes accusandò viros ætate progressos, genere nobiles, honoribusq; functos ad gloriam sibi aditum aperirent. Sic enim Q. Curtius C. Memmium consulatum petentem de Ambitu postulauit; sic M. Cicero C. Verrem Siciliae Proprætorem de Reperundis; sic M. Coelius C. Antonium consulatu ac genere nobilem de Maiestate; sic L. Crassus C. Papirium Carbonem, Cn. Carbonis. III. consulis fratrem de Perduelione; sic M. Cotta eo ipso die quo togam sumpsit virilem (anno ætatis XVII.) C. Carbonem postulauit, protractumq; reū iudicio afflixit, Et ingenium & adolescentiam præclaro opere auspiciatus.

Ceterum cum hæc scriberem, imò iam manum de tabula in mentem mihi

Val. Max.
lib. 5. c. 4.
num. 4.

Cic. epist.
fam. lib. 7.
epist. 15.

venit ipsum Rodericum Castrensem de Modestia iudicem constituere. Adsit igitur sedeatq; iudex suamq; dicat de modestia sententiam, verbo & scripto eam attestetur. Lib. 3. Meth. Mic. cap. 9.

a li. 2. c. 5. Montanum appellat *peruicacem*, a Capiuaccium *caput vaccinam habere* ait iuxta nominis *etymologiã* b Claudinum Galeni *verba non intelligentem turpiter ea interpretari*. c Fernelium *omnino irridendum*. d Vallesium *nimis peruicacem*. e Iouberti Pontijq; *verba non sine risu excipi posse*. f Licetum (quem virum Dij boni & sæculi nostri ornamentum & decus) *infamiae maculam aspergit noua quadam & in Latio peregrina loquutione, Insanire libuit hunc hominem*. g Aristotelis *comparationem indignam esse* ait, *quæ inter viros philosophos versetur*. h Galeni *contentionem peruicaciam sapere* scribit. Quid? omnes conuicijs excipit, ignominia notat, contumelia vexat. Itaque

Terentius in Prologo Eunu. chi Si Rodericus, dictum in se inclementius Existimauit esse, sic existimet Responsum non dictum esse, quia laesit prior.

Operariorum incuria ac negligentia nonnulla irreperunt errata: quæ cum per te, Candide Lector, & animaduerti, & corrigi facile possint, hic notare visum non est: præsertim cum mihi, cui ab auctore, occupationibus distento, libellus commendatus est, atque concreditus, in ijs notandis accuratius versari per occupationes non liceat. Tu itaque menda candidè corrige, cetera fuere. Vale Idib. Ianuar, 1635.

1. 2. 8. 6. 10. 11. 3. 4. 7. 9. 5.
 P E R S I I . T R E V I

Numeros ordine sequutus auctoris
 nomen assequeris.

Imprimatur, si videbitur Reu.^{mo} P.M.S.P.A.
 A. Torniellus Vicefg.

Imprimatur. Fr. Antoninus Cellius Mag. &
 Soc. Reuerendis. P.F. Nicolai Riccardij Sacri
 Palatii Apost. Magistri, Ord. Præd.

INDEX AVCTORVM.

LBVCASVS.

Alexander
Aristophanes.

Aristophanis Inter-
Ariltores. (pres.

Augenius.

Auicenna.

Capitaccius.

Biringutius.

Cassanus.

Calaubonus.

Celsus.

Cicero.

Claudianus.

Claudius.

Clavius.

Costæus.

Donatus.

Dioscorides.

Erastus.

Euripides.

Eodemon Ioan.

Faber.

Falloppius.

Franciscus de Verulano.

Fuchsius.

Galenus.

Geber.

Guibertus.

Guntherus.

Heliodorus.

Hippocrates.

D. Hieronymus.

Homerus.

Horacius.

Hocrates.

Libanius.

Licetus.

Liuius.

Manardus.

Marcialis.

Maufetus.

Mizaldus.

Montanus.

Ooidius.

Orosius.

Paulus Diaconus.

Paullus Manut.

Paræmiographus.

Plautus.

Peicertius.

Petauius.

Plutarchus.

Pontius.

Quercetanus.

Q. Curtius.

Riolanus.

Rodius.

Robertellus.

Salmasius.

Santorellus.

Scaliger Senior.

Scaliger Junior.

Scholiographus in

Demost.

Seneca.

Sennertus.

Serapion.

Silius Ital.

Sigonius.

Simmachus.

Stephanus Athen.

Suida.

Teognis.

Terentius.

Triuerius.

Valerius Max.

Vallesius.

Villanouanus.

Zenodorus.

I N D E X .

A

ACIDITAS soboles
 est. medioeris tum
 frigoris. tum calo-
 ris. pag. 11 Nascitur
 a calido immurante, sed nō
 vincente, pag. 12
 Acescendi facilitas non indi-
 cat feri frigiditatem. 19
 Acescunt etiam calida. 10
 Acidæ rei conditio. 11 Acidū
 quodcumq; frigidū est. 13
 Ad acescēdum quodcumq;
 aptum non est frigidum. 13
 Acetum ex etherogeneis par-
 tibus cōstat calidis frigidis-
 que. 23. Stillatum vel sim-
 plex vino frigidius ac te-
 nuus. 20. Eius partium cū
 vini oleiq; paribus com-
 paratio. &c. 21
 Aether ignifer Ciceronis. 19.
 Tenuis & frigidus. 19
 Aethiopem ex vultu iudica-
 re. 17
 Agentis conditio, & in agen-
 do ratio & via 115. Non
 potest generare nouum, ni-
 si corrumpat vetus mistum,
 nisi aboleat huius qualita-
 tes 115. Quæ requiritur in
 agendo. 134
 Alba & frigida & calida
 sunt. 28
 Alimenta cum quibus medica-

camenti vtiliter misceri
 possint. 66
 Anaxagoras sensuum iudiciū
 negabat. 113
 ad Apollinis holmum cuba-
 re. 133
 Aqua oleo vnaq; tenuior. 20
 Aquam epumice postulare. 51
 Aqua maris stillata est dulcis
 144. est vere aqua. 125
 Argentum vinum præcipita-
 tum & sublimatum non
 amittit substantialem for-
 mam. 121. Redigitur facile
 in pristinam naturam. ibid.
 Aristoteles Ilocrati æmulo
 infensē aduersatus est. 103
 Aureum vellus quid. 128
 Aures peruellere. 26
 Aurum ex auripigmento con-
 lectum Caio Principe. 128

B

Butyrum an impertiat
 sero purgandi facultatē.
 36. Eam compescit vngue
 suo. Retundit feri acrimo-
 niam. 38. 61. Butyri empla-
 stica vis est. 39. Quomodo
 purget. 53. Non nisi largius
 sumptum aluum soluit. 56.
 Butyro aeri consono ignea
 lactis pars inest. 91
 Bonum & malum relative in
 medicina. 67

C

C Alida in summo gradu, non tenuia. 21
 Calcinatio an destruat formam rei calcinatæ. 122
 Camelinum lac valde ferosus. 96. ferosius ouillo, bubulo, bubalino, caprillo. &c. 14. calidum est. 14. 96. salsum est. 14
 Caseus recens cum melle album mouet. 40. Sine melle adstringit. 42. Antiquo flavosior minus album adstringit. 43. Butyro non purgat. 40
 Caseum an sit quod in fundo vasis distillatorij subsidet. 24
 Chymia an corrumpat mistum distillandum sibi concredendum 114. vsque ad 126. Eius officium ac finis in distillando. 121. 123. &c. Nobilitas & antiquitas 126. Arabibus cognita 127. Theodosij Imperat. ætate nota ibid. Tempore Constantini. Diocletiano Domino in Aegypto conquesti de Chymia libri concremati sunt. ibid. Caio Principe confect aurum. 128. Heroum tempore floruit, Moysi tempore, ibid. Hippocrati, Galeno, Aristoteli, Democrito cognita. 130
 Cicuta homini summè frigida. Sturmo non ita. 26. 34
 Cibus vt cibus indicatur a viribus: vt calidus aut frigidus indicatur a morbo. 63

Clipenam post vulnera sumere. 59

Curator viæ Appiæ quid ageretur in celo sub mortem.

Claudij Cæsaris euulgauit. Annæo Seneca. 107

Color num facultatem medicamenti indicet. 28

Comitialis morbus; eius causa & modus generandi. 73

Congelatio indicat facultatem medicamenti. 30

Contradictio in Roderici verbis. 56

Costæus defensus 26. Eius sententia de feri qualitatibus. ibid.

Cumano stolidior. 114

Distillatio an Hippocrati Aristoteli, Galeno cognita. 126. 131. An corrumpat mistum distillatum, An nouum generet 114. ad 126

Democriti Abderiæ de Chymia liber a Sinesio & Pellegio Cõment. illustratus. 32

Diocletiani mandato cremati fuerunt in Aegypto omnes de Chymia libri. 127

Effectum causa nobiliore esse absurdum est. 117

Elephantiasis sero curatur. 63

Empedoclea similtas. 52

Empyreuma quid. 104. Vnde nascatur. ibid.

Empedoclis sententia de falsedine maris. 124

Expres.

Expressio quomodo fiat. 109.

ubi mulca.

F

Facultates medicamentorū
vnde sumantur. 27

Febris ardētis curādæ ratio 72

Fluxio non est salsa utpote
non de cerebro. 139Formæ substantiales latent:
non nisi proprijs accidenti-
bus manifestantur 119. In
distillatione non corrup-
puntur. 123

Frigidum an sit tenue. 18

G

Galenus explicatus. 25. 33

54. 63. 95. 133.

Generatio, coagulatio, illumi-
natio fit in instanti. 134

Gladius delphicus. 16

Graciles a cibo vomant. 67

Guntheri testimonium de
Mercurio præcipitato. 122

H

Hæcticæ lac asininum vei-
le non propter serum.

Cur. 97. 99. 100

Hippocrati an nota fuerit
Chymica. 126. 129

Hippocrates illustratus. 66

Hispania non est ferax seri. 15

Hermionis vice. 37

I

Ignis si generat ignem ge-
nerat. 117Ignis distillans non corrumpit
distillarum. 114

Isocrates Aristotelis æmulus.

L

Lac camelinum maxime
ferotum, calidū, Salsū. 14Asininum cur in stomacho
non cogatur. 47. Cur per
alium magis deiciat. ibid.cur a Galeno comendatur
in hæctica. 97 Non est frigi-
dus quia serosus. 97. sero-
sus est, quia frigidus, ibid.Lac a quo facultatem acci-
piat deiciendi 47. Non a
seroso tantum humore, sed
etiam ab huius acrimonia.48. Lac propter serum pur-
gare ait Hippocrates 74.Lac ad triplicē vsum apud
veteres, nutriendum, alte-
randum, purgandum, serum
verò ad solā purgationē. 65Lactis sumēdi modus apud
Hippocratem. 66. Lac sero,
serum lacti ab Hippocrate
substituitur. 74. Lactis par-
tes quatuor, quatuor ele-
mentis respondentes. 89. In
erysipilate pulmonis exhi-
betur. In acidis rictibus. In
torminibus ac murmure
ventris. 102 Facilius acescit
calido quā frigido aere. 108

Lari & Cephali similis. 113

Lenitas indicat medicamen-
ti facultatem. 30Libavij locus expēsus. A Ro-
dericonō intellectus. 88. 90Luscioia deplumata vox est,
præterea nihil. 35

M

Macedones non auro sed
 fer-ro fulgentes. 5
 Maris aqua pluribus modis
 dulcis fieri potest. 144
 Maris aqua an simplici distil-
 latione dulcescat. 144
 Marcus Calpurnius senectute
 fretus Cn. Carbonis minas
 spreuit. 35
 Maria Mosis soror chymica ar-
 te calluit. 128. Eiusq: liber
 de Chymia conscriptus Pa-
 risijs asseruatur in Biblioth.
 Regia. 128
 Medicamentorum qualitates
 quomodo inuestigandæ &
 vnde noscendæ. 15. 33. Me-
 dicamenri qualitas secun-
 dum se extimanda prius,
 deinde ad hominem refe-
 renda. 33. Medicamenti na-
 turam perscrutari debet me-
 dicus vt philosophus. 33.
 Leuia medicameta quæ an-
 tiquis vsurpata. 101. Medi-
 camentum vbi corpus in-
 trauerit primo ducit sibi fa-
 miliarem humorem, deinde
 aliã trahit. 75
 Medicus artifex crassusculis.
 32
 Mel aluũ subducit. 41. Mellis-
 tus caseus aluũ mouet. ibid.
 Mel. ros. & fir. ros. an e solo
 ventre humores ducat. 69
 Menippus Luciano Deorum
 secreta palam fecit. 107
 Mercurius etiam calcinatus

propriam formam non a-
 mittit, In pristinam argenti
 formam redigitur ex præ-
 cipitato & sublimato. 120
 Mercurij Hermetis variæ for-
 mæ ac perionæ. 121
 Mesues explicatus. 57. 60. 61.
 Metelli tabulæ. 82
 Microcosmi & Macrocosmi
 distillationiscõparatio: 138
 Mistum misto. contrarium nõ
 solum secundum formam,
 sed etiam secundum quali-
 tates. 116. Mistum quodli-
 bet elemento nobilius. 117.
 Moses Chymicus. 128

N

Nitrum calidum an frigi-
 dum. 22. Ex etherogeneis
 partibus constat. 22
 Nucarina aqua in Vmbria per
 aluum & vrinam purgat
 armeno bolo aut terra
 lemnia prædita. 87
 Nudior paxillo. 82
 Nymphæ flores frigidi crassi
 & odorati. 29

O

Odor quid? 29. A frigidis
 & calidis expirat. Sem-
 per caloris est soboles. ibi.
 Non semper ex tenui sub-
 stantia exhalat. 30. Num-
 indicet medicamenti qua-
 litatem. 28
 Omissa hyperapedé insequi 60.

P

Papaueris succus cur non
 aceat nec accescat. 12

Passienus rethor. 137
 Perfarum lex de reis. 5
 Plumbeum gladium ex ebur-
 nea vagina exerere. 66
 Ptiffana facilius acescit calido
 quam frigido aere. 107

Q

Qualitates medicamento-
 rum, vide medicamento-
 rum qualitates,
 Quercetani locus a Roderi-
 co perperâ accessit. 93
 Qualitatum migratio de misto
 in mistum negatur. 116. Di-
 ruris qualitatibus misti for-
 ma corrumpit. ibid.
 Quinta essentia quid. 123
 Quotidiana febris apud Hip-
 pocrat. est tertiana duplex
 Galeni. 103

R

Reprehensionem moleste
 ferentes in magno erant
 pbro apud Lacedemones 25
 ad Reprehendum procli-
 chiores quam ad laudan-
 dum omnes ferè sumus. 25
 Rosâ cû anemone cõferre. 138
 Romanus miles ad palum fi-
 ctum hostem sese exercens
 a Demonaste irrisus. 25
 Romanæ aquæ acidulæ per
 vrinam & alium purgât. 87
 Rhu siccus alium adstringit:
 cum melle moret. 41

S

Sal non adimit lacti, pur-
 gandi facultatem: 43

Salsamenta pleraque alium
 mouet. 44
 Sal tartari, vini, aceti qualitas.
 78
 Sapor tum primarum tum se-
 cundarum qualitatum in-
 dex. 27
 Sennerti sententia de medi-
 camentorum qualitatis in-
 ueniendæ ratione rejicitur.
 32 Eiusdem laus.
 Serum esse frigidum quomo-
 do probetur ab auctore. 15
 Rationes, quæ teri frigidi-
 tatem probant apud Ma-
 nardum refelluntur. 13.
 Nova Roderici refellitur.
 10. Serum ex frigido humi-
 doque elicetur alimento. 15
 In Hispania parum emun-
 gitur ex animalibus. 15.
 Calidis medetur morbis nõ
 ex accidẽte solum, sed per
 per se. 15. Ante quam ace-
 scat esse frigidum colligi
 an possit ex facilitate, ad
 acescendũ 13. Cur acescat.
 12. An frigidum sicut lac. 16
 Acres habet qualitates. 16.
 37. Crassiores eius partes
 falsæ. 21. Eius qualitates ex
 Costæo 25. Unde sumat
 purgandi facultatem. 35.
 Facilius purgat absque bu-
 tyro. 37. Calidius est butyro
 ex Galeno. 46. Qua ratione
 ac vi purget. 46. Nitrosa sua
 substantia purgat. 48. Dili-
 gentissime a butyro separa-
 tum

tum purgat. *ibid.* Efficacius butyro ad purgandum. 50. Probatur esse catharticum 69 ad 75. Ad solam purgationem ab Hippocrate usurpatum. Sicuti lac ad alterationem purgationem, nutritionem. 65. An sereno aere exprimat tenuiores partes. 107. Facilius acescit calido quam frigido aere. *ibid.* Potatum an nitrosius euadit. 106. An ad alterandum a veteribus usurpatum. 59. in fluxu muliebri, Vteri conuulsione, In capite repleto & vlcibus impleto. In feb. quotidiana. In morbo liuido, nigro, pituitoso, regio, siccatorio In resiccatione medullæ spinalis, In morbo crasso renali, articulari, In vlcibus, In vteris inflammariis. 64. In comitiali, semisiderato. Feb. ardenti. 73. Pulmonis erysipelati. 71

Serum natura splencio conuenit, morbo splenic o non cõpetit. 70. Serum in inflammatione cur conueniat. 71. In hectica. 95. An in alijs febribus. 101. In duplici tertiana exhibetur ab Hippocrate. In omni putrida a Mesue cur. 103. Serum nitrosum ex Mesue, falluginosum ex Galeno a phronitrosus ex Auicena. 79. In hecti-

ca nõ propter humorẽ, sed propter frigiditatẽ utile. 96. Serum distillatum an sit vere serum. 112. 114. An acquirat empyreuma. 104. An validius refrigeret. 87. 94. 133. 136. An purget. 87. Eius subsidencia an sit nitrum, an potius caseus vltus. 80. Partes ascendentes an calidæ an frigidæ. 84. 113. An usurpatum fuisse a Galeno, si ei fuisse nota chymia. 134. Speusippus Platonice philosophiæ quasi hæres institutus fuit. 49. Sudor quando nitrosus. 142. de Sulphure eiusq; flor. multa. 119

T

Tenne imo tenuissimum frigidum esse potest. 18. Timon Nicæus fidem sensibus abrogauit. 94. ex Tripode dictum. 114

V

Vellus aureum Iasonis quid 118. Violæ quomodo purgent. 50. Vinum facilius acescit calido quam frigido aere. 110

X

Xenocratis testimoniũ. 82

Z

Zeno pro arbitrio rebus nomina imponebat. Zetius Pacuijanns philosophiæ prope bellũ indixit. 49